

सानसेयारि "बड'सा" खौरांलाइयाव
समान्ययारि जिज्जो लोब्बा थानाय रायथाय, अन्थाय,
भल', अल'बाथा आरो दावबायारि थावनि, पार्क
बाइदिनि आयाव लिन्नाय लिन्निदां दैथाय हर।
सानसेयारि "बड'सा" खौरांलाइया सेबअरानाबि
फोसावगोन।

बड'सायाव लिन्नायारि हुदा खालाम,
"बड'सा" खौरांलाइया, जौ बयबो आंगो खालाम।

सानसेयारि बड'सा मावखुलि

माइबं नोगार, जोहोलाव देमालु लामा

कक्राझार, बिटिसि-783370

Website: www.bodosanewspaper.com



BODOSA ★ A Bodo News Daily ★ Monday ★ 7 June, 2021 Kokrajhar, BTC, Assam ★ Vol.- 31, Issue No. 72 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

सिआइटि, कक्राझार
फेकाल्टि आरएल
हतानि गोबांधार
फोरमान बिलाइफोरा
गोमादों

कक्राझार, 6 जून: कक्राझारनि सेन्ट्रल इन्स्टिट्यूट अफ टेक्नलजीनि फेकाल्टि राजिबालचन हतानि माखासे गोनां फोरमान बिलाइफोरा थानाय 4 मेखालि कक्राझारआव गाव मिबथिस्ताबै गोमादों। बिथानि माखासे गोनांधार फोरमानलाइफोर थानाय मोनसे कार्ड हल्लारआ गोमादों। जेराव एटिएम कार्ड, क्रेडिट कार्ड, ड्राइभिं लाइसेन्स, गारिनि आरसि, आधार आरो पेनकार्डफोरा बे गोमानाय कार्ड हल्लारआव दडमोन। बबेखानि बिथानि आरएल हताया गावनि फोरमान बिलाइफोर गोमानायनि सायाव कक्राझार पुलिस (□ 5 बिलाइआव)

पन्चायत आरो गामि जौगाखां बिफाना दाफामनाय बिथांखिफोरनि सायाव गिबि मन्थिया सावरायलायदों

एम जि एनरेगानि गेजेरजों समाजारि सम्फद सोरजिनयनि सायाव गिबि मन्थिया गोनांथि होदों

दिसपुर, 6 जून: गिबि मन्थि उ० हिमन्त बिश्व शर्माया दिने जनता भवनाव थानाय मावख'नि सावराय न'मायाव पन्चायत आरो गामि जौगाखां बिफाना दाफामनाय गुबुन गुबुन बिथांखिफोरनि सायाव गुवांरे सावरायलायो। पन्चायत आरो गामि जौगाखां बिफाननि मन्थि रजित कुमार दासनि नुजाथिनायव खुंफुंय बे मेलाव गिबि मन्थि शर्माया एमजिएनरेगा, गाहाय मन्थि आवास बिथांखि, बिफानजों दाफामनाय गुबुन गुबुन



समाजारि अनसुंथाय बिथांखि, आसाम राज्ययारि गामियारि जिबिका बिथांखिफोरजों

लोगोसे गुबुन माखासे बिथांखिफोरनि सायाव सावरायलायो। गिबि मन्थि

शर्माया सावरायलायनाय समाव एमजिएनरेगा बिथांखिनि गेजेरजों समाजारि सम्फद

सोरजिनयनि सायावबो गोनांथि होयो। बे थोखिजों गिबि मन्थि शर्माया बिफाननो एमजिएनरेगा सिडाव दाफामनो थाखाय बोसोरारि हाबाफारि बिथांखि दिहुन्नो थाखाय बिथोन होयो। लोगोसे साह बागाननि मावफारियाफोरखोबो बे बिथांखिनि सिडाव सोफादेरनो बोसोन होनाने गिबि मन्थिया बिफाननो लाजाथाव नेम-खांथि दिहुन्नोबो बिथोन होयो। खोन्दो जौगाखां बिबानगिरि मावख'खों (□ 5 बिलाइआव)

हातिधुरा ब्लक मावखुलिआव
बिटिसिनि गाहाय मावफुं सोद्रोमा
प्रमद बर'आ दावबायहैदों



गसाइगाव, 6 जून: बिटिसिनि सिडाव थानाय हातिधुरा ब्लक मावखुलिआव दिने बिटिसिनि गाहाय मावफुं सोद्रोमा प्रमद बर'आ दावबायहैदों। बिथांजों लोगोसे एमएलए जयन्त बसुमतारि, बिटिसिनि मावफुं सोद्रोमा राकेश ब्रह्म, एमएसएलए सजल कुमार सिंह, उइल्लम हासदामोनहाबो नुजाथिफेयो आरो ब्लकनि गासै मावथिफोरजों गुवांरे सावरायलायो। बे सावरायनायनि गेजेरजों बिटिसिनि गाहाय मावफुं सोद्रोमा प्रमद बर'आ बुडोदि, बिसायख'थिनि थाखाय बिटिसिआव अरुनदय बिथांखिआ मावफुंजायाखैमोन। नाथाय आथिखालाव बे बिथांखिखों गोखैयै मावफुंनो आखाइयाव लानाय (□ 5 बिलाइआव)

कक्राझारनि सानै खौरांगिरिफोरा फाहामथाय
लानायनि गेजेरजों करनानिफ्राय उदां जाबाय

कक्राझार प्रेस क्लबनिफ्राय जाग्रा मुवा,
बेसाद आरो फिथाइ-सामथाय हैदों

कक्राझार, 6 जून: करना भाइरसनि गिखंथाव थासारिनि गेजेरावबो गावनि जिउखों बावथ'नाने सुबुं सिबिथाय आरो समाज सिबिथायनि नोजेरजों खौरां बुधुमनायनि थाखाय सान-हर खामानिआव नांथावनाय कक्राझारनि सानै खौरांगिरिफोरा करना भाइरसजों सन्देजदोंमोन। सरकारनि नेमखांथि आरो देहा फाहामगिरिनि सुबुरुन आरो बिथोन बादिदै गावबा-गावनि न'आवनो थानाने फाहामथाय लानायनि गेजेरजों सानैबो खौरांगिरिफोरा मोजां देहायाव फेफिन्नी हाबाय। मख'नाय



जायोदि, कक्राझार सहरनि सासे बयजोंबो सिनायजानाय आरो मानिजाग्रा निउस लाइभ खौरां बिजोंनि गागि खौरांगिरि मुक्ति जायखलं ब्रसम आरो बिथानि आंगो बिसि, लोगोसे सासे

फिसाजला आरो सासे फिसाजोनि देहायाव (नख'रनि गासैबो)नि देहायाव थानाय 28 मेखालि करना पजिटिभ मोनो हारदोंमोन। बिथानि अनगाथेबो कक्राझारनिनो (□ 5 बिलाइआव)

गामिनि बैसो
गोरसिन
आइजोनि
जिउ खहा

बासुगाव, 6 जून: कक्राझार जिल्लानि सालाकाति पुलिस आउट पट्टनि सिडाव थानाय सौताकि गामिनि थागिबि आरो कालिफुखि हाथय साखाथिनि अलेश्वरि राय मुनि गामिनि बयनिखुइबो बैसो गोरसिन आइजोआ जोहथा बोयो। 96 बोसोर बैसोनि आइजोआ थानाय शनिबारखालि हराव उन्दुबाय थानाय समावनो जोबथा हां बोयो। सोरांसि बुब्लिसो समाव दैरसिन फिसाजलाया विमानि जोबथा हां बोनायखो नुनाने नखरनि सोद्रोमा, बाय-बाहागिफोरनो खौरां होयो। दिने फुनि समाव (□ 5 बिलाइआव)

उद्यग आरो फालांगि बिफाननि खामानि मावफुंनायनि
सायाव गिबि मन्थि शर्माआ सावरायलायदों

दिसपुर, 6 जून: गिबि मन्थि उ० हिमन्त बिश्व शर्माया दिने जनता भवनाव थानाय मावख'नि सावराय न'मायाव खुंफुंजानाय मेनसे मेलाव उद्यग आरो फालांगि बिफाननि खामानि मावनायनि सायाव सावरायलायो। राज्योनि उद्यगआरि बिथिंखों आरोबां



जौगाखां खामावनो थाखाय थाबैनो गोखों रहा लानो थाखाय

हारिमुआरि
हाबाफारिफोरा
बन्द जानानै
थानाय
महरगिरि
समाजाव जेनानि
थासारि सोमजिदों

बासुगाव, 6 जून: कभिड-19 नि साग्लोबसारनायनि जाहोनाव जात्रा, कारताल, नाग्रा नाम बायदि हारिमुआरि हाबाफारिनि अनगाथैबो के मेरामेन, दिहु नगिरि, बिथोनगिरि, फावगिरि, देखोगिरिफोरनि खामानिफोरा बन्द जानानै थायो। जाय महरगिरिफोरा बेबायदि हारिमुआरि हाबाफारिफोरजों नांथावनाने गावजों लोगोसे नखर खोंबोदोंमोन बैफोर नखरा आथिखालाव गोबां जेनाफोरजों (□ 5 बिलाइआव)

टंलायाव मबाइल
फन सिखाव हम्दों

उदालगुरि, 6 जून: उदालगुरि जिल्लानि फालांगि मिरु टंला सोहोरनि गेजेराव थानाय करन कम्पजित मुनि मबाइल फननि गलानिफ्राय 1.5 लाख रं बेसेननि मबाइल फन खानाय जाथाया सोमजियो। मिथिनो मोन्नाय बादिब्ला थानाय शनिबारखालि सोरांसि बुब्लियाव गलानि थिं हाफनाने सिखावा 1.5 लाख रंनिबो बांसिन बेसेननि मबाइल फन खानदोंमोन। बे जाथायनि 24 घन्टानि गेजेरावनो गलानि बिगोमा आरो गलानि मावफारियाफोरा चि चि टि थिनि रेकर्डीनि बिथायाव गावआरि महरै संदानायनि उनाव मबाइल फन खानाय जाथायनि गाहाय दायनिगिरिखों दिने टंलानि नबिन पल्लोनिफ्राय हम्मानै पुलिसनो गथायनानै होयो। आथिखालाव टंला पुलिसआ जाथायनि गाहाय दायनिगिरिजों लोगोसे गुबुन सासे सन्देह खालामजाथाव सिखावखों हम्मानै सोंथि सोंगासिनो दड'। हम्मानाय मबाइल सिखावनि आवथानिफ्राय पुलिसआ माखासे (□ 5 बिलाइआव)

आसाम सरकारआ राइज्योआव कभिड-19 नि
थामथि दोहौनि हेंथायै जुजिनो थाखाय साखा-फारा

24 घन्टानि गेजेराव राइज्योआव फिन सा 37 सुबुंनि जिउ खहा, गोदानै 2228 पजिटिभ

गुवाहाटी, 6 जून: आसामाव थानाय माखासे सानफोर सिगांफोरनि कभिड-19 जों गाग्लोबजानाने सुबुंनि जिउ खहा जानायनि हार आरो गोदाने पजिटिभ मोन्नायनि हारखों नोजेर होयोब्ला दासान्दि राइज्योआव कभिड-19 नि नैथि दोहौनि साग्लोबनाया एसेब्लाबो बाइड जाबोनायखों नुनो मोन्दों। राइज्यो सरकारआ



कभिड-19 नि हेंथायै जुजिनयनि थाखाय गोखों रहा लानाय आरो बेनि गोसारनायखों

होबथानायनि थाखाय राइज्योनाडै माखासे गोखों नेमखांथि एबा गाइडलाइन

फोसावनायनि फिथाइ महरै राइज्योआव कभिड-19 नि पजिटिभ हारआ सानथामसो सिगांनिफ्राय बाइड जाबोदों। बे हिसाबे आसामाव कभिड-19 नि नैथि दोहौआ थाबैनो जोबलानो हागौनि फारसें मोन्दांथि लादों राइज्यो सरकारआ। बेराफारसें माखासे बिगियानगिरि आरो (□ 5 बिलाइआव)

चिरां पुलिसआ फिन एन एल एफ
बिनि सासे गोखों सोद्रोमा आरो सासे
लिंकमेनखों हम्बावदों



चिरां, 6 जून: थानाय 2020 माइथायनि 27 जानुवारीखालि जालानाय बिटिआर गोरोबथानि गेजेरजों बर नि बिग्रायारि आफाद एनडिफरबिनि गासै सोद्रोमाफोरा हाग्रानिफ्राय आंखारबोनाने सरकारनि आखाइयाव हाथियार (□ 5 बिलाइआव)

मिस्टार, मिच एन्ड किडस बड'लेण्ड-2021नि
गिबि सिजननि अडिसनआ सोलिगासिनो

बे फेसन दिन्थिफुंनायाव बाहागो लानो गोसो गुदुंफोरखों खावलायहदों बान्जायगिरिफोरा

कक्राझार, 6 जून: बिटिआर हालामआव फेसन दिन्थिनाय हुदाखों बांहोनो आरो बेखों जौगाहोनायनि नोजेरजों शुदर्शन इन्टरटेनमेन्ट मुनि मोनसे एनजिअनि बान्जायनायाव अनलाइननि गेजेरजों मिस्टार, मिच आरो किडस बड'लेण्ड-2021 नि गिबि सिजननि थाखाय बादायारिफोरनि अडिसनआ



सोलिगासिनो दड'। बे फेसन दिन्थिफुं'नायखों दुलाराय

बिटिआर हालामनि गेजेराव फोसावनाय आरो

मिबथिहोनायनि थाखाय दिने शुदर्शन इन्टरटेनमेन्ट एनजिअन मोनसे खौरांगिरि मेल खुदों। शुदर्शन इन्टरटेनमेन्ट एनजिअनि आफादगिरि जायखलं बसुमतारि आरो मडेलार दैजि बसुमतारिआ कक्राझार प्रेस क्लबआव खुंनाय खौरांगिरि मेलनि गेजेरजों गावसिनि (□ 5 बिलाइआव)

पान्जाब-हारियानायाव
सोमजिनाय आबहावनि
जेनाया जौनायबो सौफेगोनः
आयुस गार्ग

बाक्स, 6 जून: आसाम राज्योया सोमखोर मिथिंजाजों बुंफवनाय, बेनिखायनो बेनि सुबुंफोरा मिथिंगायारि जोबसालानायनि बिथिडाव सानस'नानै मोना। नाथाय पान्जाब-हारियाना बायदि राज्योयाव हाग्रा ओन्सोलफोरखों फोजोबसालानायनि जाउनाव हा (□ 5 बिलाइआव)

श्रीरामपुरआव 1 कि:ग्रा: आफिं आरो
गोबां बिबानि फेग्रा निसा फिथाइ हम्दों



गसाइगाव, 6 जून: कक्राझार जिल्लानि गसाइगाव महकुमानि सिडाव थानाय आसाम-सोनाब बंग सिमना ओन्सोल श्रीरामपुरआव दिने सानसेयावनो मोनने रोखोमनि आइन बेरेखा बेसादफोर हम्नो मोन्दों। दिने फुंबलिआव श्रीरामपुर पुलिसनि नाजानाय 175 जौनि कार्टुन हम्नो हायो। बेबादिनो 31 नं राजा लामानि श्रीरामपुर गेटआव सिग्रोमबाय थानाय समाव 1 कि:ग्रा: आफिं आरो गोबां बिबानि फेग्रा निसा फिथाइफोरखों श्रीरामपुर पुलिसआ हम्नो हायो। मख'नो गोनांदि, आसाम-सोनाब बंग (□ 5 बिलाइआव)

सुजुगिरिनि खोलोम

औवानि गोनांथि आरो बर'हारिमु

वर'थाव फंसे राव दड- उन्दैयाव सि गानो, देरोब्ला लंथ जायो। औवा। बर'नि जिउ खुंनयाव एंगारजायै मुवानि गेजेराव औवानि बिहोमाया बयनिबो गोजीसिनाव। बेखायनो बुंनोबो हागौ बर'फोरनाव औवानि हारिमुवा एग्रे-बेग्रे। बाथौ थानसालि दुमनायनिक्राय लानानै ओंखि जानाय मेवाइ, न'बां लुनाय जेरावबो औवा नडब्लानो राहा गैया, औवा गैयाब्लानो बर'नि राइजो जानांगौया आस'खान्दा।

ना सानो सेन, खखा, थर्खा, सेन्नाय, जेखाइ, खबाइ, बोरिस दान्दा; मैहरनि थाखाय जं-बौला, सिबनो-सालिनो थाखाय संग्राइ, सान्दांग, सान्द्रि, लामनाय-बिरनाय-बान्नायनि थाखाय दाहा, हुखेन, बावखा, बाथि, हासिनि, संनाय-एरनाय खुन्नायनि थाखाय बन, खादो, सांग, दानाय-लुनायनि सोरखि, दाडनाथा, बौदांगि, गनसि, सेवारि, खादिनि, खुन्थिया, रासो, न'बां लुनायनि खुन्थिया, फेराइ, थेवयोल, खाथिमाल, रोजाबनाय मोसानायनि थाखाय हाखाउ, सिफुं, बिडि जेरावबो जेरैबो औवानि गोनांथि दं बर'नि राइजो जानायाव। बेनि अनगायैबो नाफाम हासुं, नो हासुं, लावथि, दान्दा, थखन, लोरगि, जान्था, लावथाय, खादा, आबे दांगि, जेवरा, जांख्का, मै-जुंगाल-दांगुर, बैसां जेरावबो औवानि गोनां जायो।

गथ' जोनोमनि उनाव उथुमाय हास'नाय खाथिनिक्राय गोथै बागगानाय समसिम औवा नडब्लानो बर'नि हारिमुया आबुं महर नुजाया।

औवानि बेफोर गुन आरो गोनांथिखौ नइनानै आथिकालाव औवानि आबाद खालामनो जोथोन लानांसिगौ। औवानि बेसेन बारायगलाबनो लानायाव बारिनि औवा सुबाखौ दानगलुंनानै लांदां खालामनो लानायाव जोनि ओन्सोलनि गामिफ्रा औवा बारिजो ग्रेम ग्रेममोनब्लाबो आंखाल नुजाहांबाय। बेखायनो औवानि गोनांथिया बर' हारिमुयाव गोनांथार नोजेरै आरो फालांगियारि बिथिडै औवानि आबाद खालामनाय आरो थाखानाय बारिखौ जोथोन लानांगौनि सम सौफैबाय। दासान्दि जौगा जोलैनि औवा जोलै लाबोनानै सरकार बिथिनिक्राय औवा बागान खालामनायनि थुलुंगाबो होदो औवानि गोनांथिखौ नायनानै।

बेराफासै इयुन जोलैनो बर'नि औवा हारिमु आरो राइजो जानायनि आदोब आखुनि रेसखौ गालानो बर'साफोर बाहायग्रा औवानि आइजें-आइला हेबनाय-दानायनि ट्रेइनि सेन्टर गायसन्नायनि गोनांथि दंसै।

दिनैनि फानजामुथि

राशि बाइदियै मुनि गिबि हांखो
मेष : अ ल वृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष:** जेखि जाया खामानि मावनायाव गोहोम खोखलैनो हागोन। फारफ्रोमथिबो मोजां।
- वृष:** देहायाव सानाय-सुनाय बेराम सिखांबायनो हागौ। देहाखौ सांग्राडै लाखिनांगोन।
- मिथुन:** नख'र संसारा जौगानायनि लामायाव। मोनफ्रोमबो खामानियाव मोजां फिथाय मोनगोन।
- कर्कट:** आद्रा थानाय खामाफोर जाफुंसारगोन। गोसोखौ सान्थि मोनगोन। मोजां सान।
- सिंह:** सुथुरफोरा जेरैथिबो साग्लोबसारनो हागौ। जेरावखि थाया सांग्राडै थानांगोन।
- कन्या:** मानिबा थाखाय दुखु-दाहा सैनांनो हागौ। गोसोखौ हमथा।
- तुला:** मानिबा जाहोनाव गोजान जायगायाव दावबायनांनो हागौ।
- बृश्चिक:** मोजां हाबा मावनानै गोसोआव थुलुंगाखोंगोन। फारफ्रोमथिबो मोजां।
- धनु:** फरायनायाव हेंथा मोनो हागौ। फरायनायाव दावगालानो हानाय नड। धैज्य हमनांगोन।
- मकर:** सोरखौबा नेनायाव गोसोआ उसु-खुथु जागोन। जेखियानो जाया धैज्य हमनांगोन।
- कुम्भ:** लोमजालु-साजालु जानायफ्रा जोबसंगोन। देहायाव गोहो-बोलो मोफिनो हागोन। मोजां सान।
- मीन:** मानि जाहोनाव दुखु सैनांनो हागौ। गोसोखौ लोरबां खालामनो नाडा।

माखासे दाननि गेजेराव भारतआ मुलुगनि बांसिन करना भेक्सिन दिहुनगिरि हादोत जागोन: रणदिप गुलेरिया

गोदान दिल्ली, 6 जुन: अखिल भारत आयुर्विज्ञान संस्थान एबा एम्स, दिल्लीनि बिथोनगिरि ड० रमदिप गुलेरियाआ बुडोदि करनाजो दावहा नांनयाव बेक्सिन थुनायानो बयनिखुइबो गाहायसिन। माखासे दानावनो भारतआ दुलाराय मुलुगाव करना होबथाग्रा भेक्सिन बयनिखुइबो देरसिन दिहुनगिरि जानो थांगासिनो। हादताव मोनब्रै गाहाय भेक्सिनफोरखो दिहु न्नाय जागोन। ड० गुलेरियाआ दिल्ली पुलिसनि बान्जायनायाव खुंफुनाय मोनसे वेबिनारआव बाहागो लानानै गावनि बिबुंथियाव बुडोदि करना भाइरासआ गोबां रोखोमनि दं, नाथाय बेफोरनि बांसिनानो सरासनसा फ्लु बायदि गोसरो आरो माखासेया ओरै बायदि गोखों जायोदि इनफेक्सननि जाहोन जायो एबा महर लायो। भेक्सिन थुनायानो इनफेक्सननि गोसारनायखौ



होबथानायनि बयनिखुइबो गोहोम गोनांसिन राहा। भेक्सिना जौनो 8-12 दानसिम बेराम होबथाग्रा गोहोखौ जगायनानै होयो। बेनि उनाव बुस्टार ड्रप आरो सा 1,60,406 संदानायफोरनिक्राय मिथिनो मोनदोदि जाय सुबुंफोरा करना होबथाग्रा भेक्सिन मोननैबो ड्रपखौ लादोमोन बिसोरनाव खालि इनफेक्सननि एफा-एनै लोकोनखौल' नुनो मोन्नाय जादो एबा बेजो भुगिनांदो आरो

कौटिनि बांसिन ड्रप थुखांनय जाबाय। बे अन्जमायाव 141 थि सान शनिबारखालि थुनाय 31,20,451 ड्रपआबो दंफायो। मिरुनि सावसि मावख'आ फोरमायदोदि, शनिबारखालि गासै ड्रप थुनायनि मादाव 18-44 बोसोर बैसोनि सा 16,19,504 फोरनो भेक्सिन गिबि ड्रपखौ आरो सा 41,058 नो नैथि ड्रपखौ थुनाय जायो। भेक्सिन थुनाय हाबाफारिनि थामथि खोलोबा जागायजेन्नायनि उनाव दर 37 राइज्योफोर आरो मिरुजो खुंनय राइज्योफोराव दासिमाव 18-44 बोसोर बैसोनि सा 2.76 कौटिनि बांसिन सुबुंफोरनो गिबि ड्रप आरो सा 1,60,406 सुबुंफोरनो नैथि ड्रपखौ थुखांनय जाबाय। मावखननि बादिब्ला भेक्सिन थुनाय हाबाफारिया जागायजेन्नायनि उनाव दासिम करना भेक्सिन गासै 23.10 कौटि ड्रप होखांनय जाबाय।

सान्जा लादाखआव चीनआ सान्थिफोरनि 90 जौखोन्दोखौ सोलाय-सोल' खालामदो

गोदान दिल्ली, 6 जुन: सान्जा लादाखनि खांथियाव थिसन जानाय चीननि सान्थिफोरनि थासारिया गुसु सुहाबनायजो गात्रि जादो। गुसुजो गात्रियै गोहोम गोलेनाय 90 जौखोन्दो सान्थिफोरखौ पिपुलस लिबारेसन आर्मिआ लिंहरफिनबाय। थानाय बोसोरनि एप्रिल-मे दाननि उननिक्रायनो चीनआ सान्जा लादाखआव भारतीयनिखुइ सा 50,000 नि बांसिन सान्थिफोरखौ थिसन्दोमोन। सुलुनि बादिब्ला थानाय से बोसोरनिक्राय बैयाव थानाय सान्थिफोरखौ सोलायनो थाखाय हादतनि सिं बाहागोनिक्राय गोदान सान्थिफोरखौ लानानै फेदो। बेनि 90 जौखोन्दो सान्थिफोरखौ सोलाय-सोल' खालामदो। बे सोलायनायनि जाहोना गोजौ हाजो ओन्सोलफोरनि थिखिनियाव थिसन जानाय सान्थिफोरा जोबोद गुसु सुहाबनाय आरो गुबुन बेजो सोमोन्दो गोनां जेनाफोरजो गात्रियै गोहोम गोलेदो जानांगौ। फारसेथि भारतीय सान्थिआ नै बोसोरनि थाखाय गोजौ हाजो ओन्सोलफोराव सान्थिफोरखौ थिसनो आरो बोसोरफ्रोमबो 40-50 जौखोन्दो सान्थिफोरखौ सोलाय-सोल' खालामो। बे थासारियावबो आइडिबिपनि जवानफोरनि हाबाफारि समा माब्लाबा माब्लाबा नै बोसोरनिखुइबो बांसिन जायो। भारत आरो चीना थानाय बोसोरनि एप्रिल-मे दानाव सान्जा लादाख, एलएसि आरो गुबुन बाहागोफोरावबो गोबां अन्जमानि सान्थिफोरखौ थिसन्दोमोन।

भारतारी नेभिआ गावसोरनि लैथोमा नाइबिजरनायाव थाव बाहायनायखौ बाडइ खालामसिगोन

गोदान दिल्ली, 6 जुन: मुलुग आबहावा सानाव भारतारी नेभिफोरा लैथोमायाव गावसोरनि नायबिजरनायाव थाव बाहायनायखौ खम खालामनायनि सायाव बिथांखि थियारि खालामबाय। बेनि थाखाय डिजेल आरो पेट्रलखौ खमै बाहायनायनि सोलोखान्थि खालामबाय, जायजो आबहावाया खम खहा जागोन। बेखौ ब्लु वाटर अपारेसन डा ग्रिन प्रजेक्टनि मुं होनाय जादो। रैखाथि बिफाननि बायदिब्ला भारतारी नेभिफोरा गाहाम सानग्रा आरो आबहावा अनफावरि हान्जा। बिसोर आबहावाखौ रैखाथि होनो आरो गोगो थासारिखौ बांहोनो थाखाय थुलुंगाखाडो। मख'नो गोनांदि भारतारी लैथोमा सिमाफोरनि रैखाथि थाखाय नेभिफोरनि जाहाजफोर, साबमेरिनफोर आरो उरां जाहाजफोरखौ सालायनो



थाखाय गोबां बिबानि थावनि गोनांथि जायो। नाथाय नेभिफोरा बेखौ रैखा खालामनो थाखाय माखासे रोखोमनि नेम-खान्थिफोरखौ फालियो। बेबायदि खालामनायजो थाव बाहायनाया खम जानायजो लोगोसे आबहावायाबो रैखाथि जायो। बे नेम-खान्थिफोर गेजेरजो नेभिफोरा थानाय 2020 माइथायनि जुलाइ दानाव एडिमालायाव 3 मेगावाट गोहोनि स'लार गोहो प्लान्ट

मिरुआव 2 मेगावाटनि श'लार गोहो प्लान्ट गायसनो। बेखौ ज' खालामनानै नेभिफोरनि केम्पफोराव गासै 11 मेगावाट मोब्लिब सोमजिहोरा स'लार गोहो प्लान्ट गायसन्नाय जादो। नेभिफोरा गावसोरखौ क्लिन एन्ड ग्रिन नेभि खालामनो ताखाय खामानि मावगासिनो दड'। करना बोथोराव भारत सरकार आरो सावसि बिफाना फोसावनाय करनानि गासैबो नेम-खान्थिफोरखौ नेभिफोरा आबुडैफालियो।

काश्मीरनि आयदाखौ लाना पाकिस्ताना मुस्लिम हादतफोरनि जथुमा खुंगोन

इस्लामाबाद, 6 जुन: पाकिस्ताननि गुबुन हादतयारि मन्थि शाह महमुद कुरैशीआ शनिबाराव काश्मीरनि आयदाखौ दैखानो आरो बेयाव हेफाजाब मोनो थाखाय इस्लामाबादआव फैगो बोसोराव मुस्लिम हादतफोरनि गुबुन हादतयारि मन्थिफोरनि जथुमा लिंथुमनो फोसावदो। बे बाथ्राखौ बियो गावनि आंगो सहर मुल्तानआव पाकिस्तान तहरीक-ए-इन्साफ पार्टीनि मावसुमाफोरखौ सोमोन्दो लानायाव बुडो। बेयाव बियो बुडोदि, जुदि इसोरआ खालु होयोब्ला गाव काश्मीरनि आयदाफोराव हेफाजाब होगिरफोरखौ जुथायनो

मुलुगनां आबहावा सानजो लोब्बा लाखिनानै मुसलपुरआव बिफां फुलि गायदो

बाक्सा, 6 जुन: बिफां-लाइफाड सुबुं माहारिनि एंगार हायै मोनसे बाहागो। सुबुं माहारिनि नांगो जानायाव बिफां-लाइफाड गोबां मदद होयो। दिनेनि समाव मुलुग नाइने बिफां-लाइफांखो फोजोबस्रानो हमनायाव सुबुं माहारिया गोबां जेनाफोरजो मोगा-मोगि जाबोनो गोनां जादो। बिफां-लाइफांनि जोबस्रानो हमनायाव बुहुमनि बिदुख बांबोनयजो लोगोसे आबहावा गुबुले, बोथोर बादिथै दैनि आंखाल, आबहावानि समानथि गैथै आरो हाग्रा ओन्सोलफोरा जोबस्रानो हमनायाव हाग्रा निज-जुनाद आरो सुबुंफोरनि गेजेराव मोगा-

मोगि जाबोनाया बांबोगासिनो दड'। मुलुग नाइने आबहावाखौ गोगो लाखिनानि थांखिजो दिने बिफां-लाइफां गायनायनि सान एबा मुलुगनां आबहावा सान महरै फालिनाय बादिनो बाक्सा जिल्ला दुलाराय बर' फरायसा आफाद, मुलसपुर दरखा दुलाराय बर' फरायसा आफाद आरो मुसलपुर गोजोनफुरि पार्क जौगाथाय आफादनि जुथयै बान्जायनायाव आफादनि दैदेनगिरि-मावथि सोदोमाफोरा। मुसलपुरनि गोजोनफुरि पार्कआव बिफां फुलि गायनाय हाबाफारि लायो। बे हाबाफारियाव पार्कआव 100 निबो बांसिन गुबुन गुबुन रोखोमनि बिफां फुलि गायनाय जायो। बे

हाबाफारियाव बाक्सा जिल्ला एबसुनि आपादगिरि उमेस दैमारीया बाहागो लानानै गावनि बिबुंथियाव फोरमायोदि, दिनेनि सानाव जौ गासैबो गोसो गोबांजो गाहामनि हास्थायनानै बिफां-लाइफांखौ गायनो नांगोन। दिने एबा 5 जुन आबहावा सान होनानै बिफां-लाइफांखौ ओरैनो गायनाल' दोनोब्ला जानाय नड। जायफोर बिफांफोरा दिने गायजाबाव बेनिफ्राय जौ माबा मोनसे मुलाम्फा मोनो थाखाय बेखौ देरजासिम जोथोन लानो नांगोन होनानै बिथाड बुडो। गुबुन फार्सेथि एबसुनि सालबारि दरखा कमिटिनि बान्जायनायाव मुलुगनां आबहावा सानजो लोब्बा लाखिनानै बिफां

फुलि गानयान हाबाफारि खुंफुलाडो। मख'नो गोनांदि मुलुगनां आबहावा सानजो लोब्बा लाखिनानै सालबारि महकुमानि लामानि साखाथियाव, सरकारि-सरकारि नडै फर्सथानफोरनि लांगोना मोखाडव एबसुनि सालबारि दरखा कमिटिनि बिबानगिरि-सोद्रेमाफोरा 100 निबो बांसिन गुबुन गुबुन रोखोमनि बिफां फुलिस गायनाय जायो। एबसुनि सालबारि दरखा कमिटिनि बिबानगिरि-सोद्रेमाफोरा महकुमा ओन्सोलखौ सोमखोर खालामनायनि थांखि लानाय जादो होनानै एबसुनि सालबारि दरखा कमिटिया मिथिहोदो।




थाखाय 2022 नि मार्चआव इस्लामाबादआव मुस्लिम हादतफोरनि गुबुन हादतयारि मन्थिफोरनि जथुमा खुंगोन। भारतआ फारियेनो बुंबाय थादोदि, जम्मु-काश्मीरआ भारतनि एंगार हायै बाहागो आरो हादतआ गावनि जेनाफोरनो गावोनो सुस्रानो हानायनि गोहोबो दं। कुरैशीया आफगानिस्ताननि दैदेनगिरिफोरखौ पाकिस्ताननि हेंथायै फिन होनायखौ नागरनोबो हुमखि होदो आरो बुडोदि, बेबायदि खालामाब्ला बिसोरजो सावरायनायखौबो पाकिस्ताना नागरगोन। गाहाय मन्थि इमरान खानआ दाबि दैखानोदोदि, बेरेखा दोलोफोरनि दैदेनगिरि जायफोरा गावखौ सुबुं तन्न होना लायो, बिसोरो गावसिनि सरकारखौ सिफायनो थाखाय सान्थिनि मदत बिदो। खौरनि बादिब्ला बेरेखा दोलोफोरनि दैदेनगिरिफोरनि सायाव होनाय बे फिननायखौ कुरैशीआ मोनसे राजा लामा जौगाखो आरो बानायफिन्नाय यजनानि अन्थाय खाम्फा गायसन्नाय फोबोयाव बुंदोमोन।

दिल्ली आरो माखासे राइज्योफोरा लकडाउनखौ बारायनायजों लोगोसे माखासे रेहाय फोसावदों

गोदान दिल्ली, 6 जुन: हादतआव करना इन्फेक्सननि गोदान केसआ खम जाबोगासिनो दं। मिरु देहा मावख'नि बादिब्ला हादतआव थंनय 24 घन्टायव करनानि 1.14 लाख गोदान केस थिसन जायो, जाय दान मोनैन गेजेराव बयनिखुइबो खमसिन। फारसेथिं करनानि गोदान केसआ दावख्तायनायनि उनाव माखासे राइज्यो आरो मिरुजों खुंजानाय राइज्योफोरा लकडाउन होबथानायफोराव माखासे रेहाय होनायखौ फोसावबाय। राजथावनि दिल्लीयाव 7 जुननिप्रय बाजार आरो मलफोरा खुलिफिनसिगोन लोगोसे मेट्र सिबिथायाबो फिन खुलिफिनसिगोन। गुबुन फारसेथिं महाराष्ट्र आ सप्ताहयारि पजिटिभिनि हार आरो जिल्लाफोराव अक्सिजेन थाफानाय बेडनि मोनो हानायखौ बिथा खालामनानै लकडाउनखौ गुरु खालामनो आरो होबथानायफोराव माखासे रेहाय होनो थाखाय 5 थि थाखोनि यजना सोलिहोगोन।

मख'जाथावदि, सा आरो सोनाब राइज्योफोराव कभिड-19 नि थासारियाव सोलायनाय फैदों, फारसेथिं हादतनि खोला आरो सान्जा बाहगोफोरव दसिमबो कभिड-19 केसफोरखौ गोबां मोनगासिनो दं। तामिलनाडुनि गिबि मन्थ्र एम केस्टालिनआ समबारनिप्रय होबथानायफोराव माखासे रेहाय होनायजों लोगोसे 14 जुनसिम से सप्ताहनि थाखाय लकडाउनखौ बारायना फोसावबावबाय। बे लकडाउनखौ बै दर 11



जिल्लाफोरखौ नागारनानै बैफोराव होनाय जादों। जेराव करनानि केसआ खम फैगासिनो। महाराष्ट्र सरकारनि बिथोनआव बुंनय जादोंदि, लकडाउनखौ बोखार नायनि थाखाय हाबाफारिफोरनि गुबुन गुबुन थाखोनि थाखाय होबथानायफोरा 5 थि खोलोबनि जागोन। बे होबथानायफोरनि बे खोलोबफोरखौ मोनै मान दान्दानि सायाव बिथा खालामनानै सोलि होनाय जागोन। राइज्यो सरकारनि 5थि खोलोबनि बे यजनानि बैखन्थायाव फैनाय ओन्सोलफोराव लकडाउन बायदि होबथानायफोरा सोलिबाय थागोन। लेभेल-1 जिल्लाफोराव गासै गलाफोर, मल आरो पिबिआरआ फिन जागायफिनो हासिगोन। लेभेल-2 नि ओन्सोलफाव मल आरो टिएटरआ 50 जौखोन्दो जों खुलिनो मोनगोन। मुम्बाइआ लेभेल-2 आव गोरलैयो

बेनिखायनो बेयाव शपिं मल-टिएटरफोरा बिथोन बादिथै खुलिनो मोनगोन। फारसेथिं लेभेल-3 आव गोनांथार मुवाफोरनि गलाफोरा बेलासिनि 4 रिगासिम खुलिनो मोनगोन। नाथाय सरासन्सा मुवाफोर फानग्रा गलाफोरनो सप्ताहनि सानफोराव बेलासिनि 4 रिगासिमल' खुलिनो गनायथि होनाय जायो। लेभेल-3 आव गोरलैनाय जिल्लाफोराव मल, टिएटर बायदिया बन्द थागोन।

राजथावनि दिल्लीयाव गिबि मन्थ्र अरबिन्द के जरिवालआ बुंदोदि, राइज्योआव करनानि थासारिखौ

नोजोर होनानै दिल्ली मेट्रखौ 50 जौखोन्दो गोहोजों सोलि होनो आरो हाथय-बाजार मलफोरखौ अड इभेनि बादिथै खुलिनो मोनगोन। दिल्लीयाव लकडाउनखौ बारायना होनाय जागोन। नाथाय बेयाव माखासे रेहायबो होफानाय जागोन। सरकारि आरो गावयारि मावख'फोरा 50 जौखोन्दो मावसुमाफोरजों फिन खुलिनो गनायथि मोनगोन। बाजार-मलफोर अड-इभेन बादिथै फुनि 10 रिगानिप्रय मोनानि 8 रिगानिप्रय खुलिनो गनायथि मोनगोन। मोनसे सरकारि बिथोनमानि बादिब्ला,

बयनिखुइबो बांसिनै गोहोम गोरलैनाय महाराष्ट्रआव थानाय सहर आरो जिल्लाफोर जायनि पजिटिभिनि हारआ 5 जौखोन्दोनि खमसिन आरो 25 जौखोन्दोनिखुइ खमसिन अक्सिन थाफानाय बेड गोनांफोरखौ फुरायै खुलिनो गनायथि होनाय जादों। उत्तर प्रदेश सरकार समबारनिप्रय बरेली आरो बुलन्द सहर जिल्लाफोरव करना काफिडआव माखासे रेहाय होनो फोसावयो। बे फोसावनाय रेहायनि बादिब्ला, गलाफोर आरो हाथाय-बाजारफोरखौ सप्ताहयाव सान 5 खुलिनानि गनायथि होनाय जादों। उत्तर प्रदेशआव करनानि केसआ सानफामबो दावख्तायगासिनो। राइज्योआव 600 नि खमसिन एक्टिभ केस गोनां जिल्लाफोरा 75 निप्रय 67 जाफैबाय। तामिलनाडुनि सिगां कर्नाटकआबो लकडाउनखौ 14 जुनसिम बारायना होदोंमोन। हिमाचल प्रदेश आरो गवायावबो बे सानसिम लकडाउनखौ बारायना होनाय जादों। गवायाव गोनांथार मुवाफोरनि गलाफोर सानफामबो फुनि 7 रिगानिप्रय सान्जौफुनि 3 रिगानिप्रय खुलिनो मोनगोन। गुबुन फारसेथिं हिमाचल प्रदेशआ बेसमाव गलाफोर रेस्कुटेर आरो हेक्लफोरखौ खुलिनानि होबथानायव माखासे रेहाय होदोंमोन।

भारतआव नै दाननि उनाव करनानि बयनिखुइबो बाडाइ केसखौ मोनाय जादों



गोदान दिल्ली, 6 जुन: हादतआव करनानि नैथि दोहोआव लान्थिये बाडाइ जादों, बेनि ग्राफआ गाहायाव दावख्तायदों। थानाय 24 घन्टानि बाध्राखौ बुडोब्ला हादतआव 2 दाननि उनाव करनानि बयनिखुइबो खम केसखौ थिसन्दों। बेजों लोगोसेनो थैनायफोरनि अन्जिमायाबो दावख्तायनायखौ नुनो मोन्दों। मिरुनि गाहाय देहा मावख'नि गोदान अन्जिमाफोरनि बायदिब्ला हादतआव थानाय 24 घन्टायव 1 लाख 14 रोजा 460 गोदान करना केसआ सोराडव फैदों आरो 2677 सुबुंफोर करनानि जाहोनाव थैदों। बेनि सिगां 5 एप्रिलआव 96,982 करना केसखौ थिसन्दोंमोन। दिने हादतआव लान्थिये 24 थि सानआव करना भाइरासनि गोदान केसफोरनिप्रय बांसिन रिक्भारि जादों। हादतआव दासिमाव करनानि गासै 2 कौटि 69 लाख 84 रोजा 781 सुबुंफोर मोजां जाखांबाय। हादतआव करनानि सांग्रांथि केसफोरनि बाध्राखौ बुडोब्ला थानाय 24

घन्टायव 77,449 एक्टिभ केसआ बाडाइ जादों। आथिखालाव हादतआव 14,77,799 सांग्रांथि केस दड। हादतआव करनानि थैनायनि बिबाड 1.20 जौखोन्दो जाबाय जेराव रिक्भारि रेटआ 93 जौखोन्दोनिप्रय बांसिन जाबाय। एक्टिभ केसआ दावख्तायनायनै 6 जौखोन्दोनिप्रय बाडाइ जाबाय। करना एक्टिभ केसआव मुलुगआव भारतआ नैथि थाखायाव थारदों। गासै इनफेक्सन जानाय फोरनि अन्जिमानि केसआवबो भारतआ नैथि थाखायाव थारदों जेराव मुलुगआव आमेरिका, ब्राजिलनि उनाव बयनिखुइबो बांसिन सुबुंफोर भारतआ थैदों। 5 जुनसिमाव हादतनाइ 23 कौटि 13 लाख 22 रोजा करना भेक्सिननि इपखौ होनाय जाखांबाय। थंनय सानआव 33 थि सानआव करना भाइरासनि गोदान केसफोरनिप्रय बांसिन रिक्भारि जादों। फारसेथिं दासिमाव 36 कौटि 47 लाखनिप्रय बांसिन करना टेस्ट खालामखांबाय। थानाय सानआव 20.36 लाख करना सेम्ल टेस्ट खालामनाय जादों जायनि पजिटिभ रेटआ 6 जौखोन्दोनिप्रय बांसिन जादों।

महाराष्ट्र राइज्योआव करना भाइरासजों जिउ गोमानायनि अन्जिमाया 1 लाख बारसिगोन

गोदान दिल्ली, 6 जुन: हादतनाइ करनानि नैथि दोहोआ लोरबां जालांबाय। बे नैथि दोहोनि बयनिखुइ बांसिन गोहोमा महाराष्ट्रआव गोरलैदों। अदेबानि महाराष्ट्र आ आथिखालाव एरेबायदि राइज्यो जाबाय, जेराव करनानि थैनायनि अन्जिमाया 1 लाख बारबाय। रिबवारखालि फैनाय अन्जिमानि उनाव महाराष्ट्रआ बे रिक्डआव दिखांजानो हासिगो। सुलुंनि बायदिब्ला महाराष्ट्रआव थानाय शनिबार खालि करना भाइरासनि 13 रोजा 659 गोदान केस नुजाथियो, जाय 10 मार्च उरनिप्रय बयनिखुइ बाडाइसिमनोन। बे समाव राइज्योयाव सा 300 सुबुंफोर करनानि जाहोनाव जिउ नागरो।



सरकारि अन्जिमानि बायदिब्ला राइज्योयाव दासिमाव गासै 99 रोजा 512 सुबुंफोर करनानि जाहोनाव जिउ नागरानदों। बेबायदियाव रिबवार आरो समबारखालि महाराष्ट्रआव करनानि थैनायनि अन्जिमाया 1 लाख बारसो हासिगो। मख'नो गोनांदि, मुलुग नाइँ दासिमाव 7 थाल' बेबायदि

हादत दडजेराव करनानि थैनायनि अन्जिमाया 1 लाख बारबाय। बिसोरनि गेजेराव भारतआबो दंफायो। जन हरकिन्स इडनिभासिंतिनि बानायनाय कभिड ट्रेकारनि बायदिब्ला, बे रिक्डआव बयनिखुइ जौसिनाव दड आमेरिका, जेराव करनाया 5 लाख 97 रोजा 377 सुबुंफोर थैबाय। बेनि उनाव ब्राजिलआव

महाराष्ट्रआव गोबां अखा हादों, 15 जुनसिमाव माखासे राइज्योफोराव मौसुमि बोथोरा सौहैनो हागौ

गोदान दिल्ली, 6 जुन: केरेलानि उनाव महाराष्ट्रआव मौसुमि बोथोरनि जाहोनाव राइज्योनि माखासे बोरिमा ओन्सोलआव अखा हादों। बोथोर बिफाननि बादिब्ला 15 जुनसिमाव खोला सोनाब मौसुमि बोथोरा उरिण्या, झारखान्ड, सोनाब बंग'नि माखासे बाहगो आरो बिहारव सौहैनो हागौ। महाराष्ट्रआव सौहैनय खोला सोनाब मौसुमि बोथोरनि जाहोनाव राइज्योनि माखासे बोरिमा ओन्सोलाव अखा हादों। 11 जुनसिमाव सोनाब बंग'नि बंगप लैथोमायाव सरासनसना नासिन्थाया सोलिगासिनो दं।



बेयो मौसुमि बोथोरखौ आवगाय होनायाव मदत खालामगोन। मौसुमि बोथोरनि जाहोनाव कर्नाटकनि माखासे बाहगोयाव गोबां अखा हादों। बिफानआ फैनो गोनां 24 घन्टानि गेजेराव केरेला आरो तामिलनाडुजों

लोगोसे कर्नाटकआवबो अखा खोरेमनाय, बारहुंखा बारनायजों लोगोसे अखा हानो हागौ। सोदोबमा थासारिया बानाय आरो आबहावाया सोलायनायनि जाहोनाव फैनो गोनां 3 सानाव सा-सोनाब भारतनि माखासे

मिरु सरकार केजरिवालनि नख'र यजनानि सायाव होबथाबाय

गोदान दिल्ली, 6 जुन: मिरु सरकार केजरिवाल सरकारनि नख'र नख'र रेशन होनाय यजनाखौ होबथाबाय। बे यजनाया सप्ताहसे उनाव सोलिनांगोमोन। केजरिवाल सरकारा 72 लाख सुबुंफोरनो बिसोरनि न'न'याव रेशन होनो थाखाय बे यजनाखौ बानायदोंमोन। दिल्ली सरकारनि सुलुंनि बायदिब्ला बे यजनानि थाखाय मिरु सरकारनि गनायथि लायाखै। मख'नो गोनांदि, बेनि सिगां रेशन यजनानि मुंखौ लानानैबो मिरुआ अजद दैखादोंमोनदि, बे यजनाया मिरुनि नेशनेल फुड सिकिडरिदि एक्टनि गेजेरजोंसो फैयो। बेयाव जेखि-जाया सोलायनायखौ संसदआल खालामनो हायो, राइज्योआ हाया। बेनिखायनो दिल्ली सरकार बे यजनानि मुंखौबो सोलायनो हाया आरो बैखौ रावजोंबो सरजावफानोबो हाया। बेनि उनाव दिल्ली सरकार बे यजनानि मुंखौ मख्य मन्थ्र घर-घर रेशन यजनानिप्रय सोलायनानै 'घर-घर राशन' यजना लाखिदोंमोन।



सुलुंनि बायदिब्ला, दिल्लीयाव 7 जुननि उनावबो लकडाउनआ सोलिबाय थागोन। आथिखालाव राइज्यो सरकारा गलाफोरखौ खुलिनो गनायथि होबाय। दिल्लीनि गिबि मन्थ्र अरबिन्द केजरिवालआ शनिबार खालि फोसावोदि, लकडाउनआ 7 जुननि उनावबो सप्ताहसेनि थाखाय सोलिबाय थागोन। नाथाय अब्लाबो बाजारआ खुलिगोन। बेरा फारसे दिल्ली मेट्र सालायनायाबो जागायसिगोन। बिथाडा समबारनिप्रय मावखुलिफोरखौबो खुलिनानय जासिगोन होना बुदों। सरकारनि मावख'फोरव क्लास वान आरो बेनि गोजां थाखोनि अफिसारफोरा 100 जौखोन्दो गोहोजों लोगोसे फैसिगोन। बेनि गाहाय थाखोनि स्टफफोर 50 जौखोन्दोयै नुजाथिफैसिगोन। बेरा फारसे, प्राइभेट मावख'फोरव 50 जौखोन्दो मावसुमाफोर फैनायनि गनायथि थागोन। बेनि गेजेरजों केजरिवालआ गासै मावख'फोरखौ गावबा-गावनि मावसुमाफोरखौ वार्क फ्रम हमनि गेजेरजों खामानि मावहोनो आर'ज जावदों।

गुगल, एमाजन आरो फेसबुक बायदि कम्पनीफोरा टेक्स होनांसिगोन

गोदान दिल्ली, 6 जुन: जौगाखानाय रांखान्थि बेबस्थानि जि-7 हान्जाया गोबां हादतफोरनि कम्पनीफोराव टेक्सखौ लानानै मुलुगयारि रादाय खानायनि सायाव मुंसाइ होदों। बे रादाय खानायनि गेजेरजों आथिखालाव एमाजन, गुगल आरो फेसबुक बायदि कम्पनीफोरा मोजां नेम-खान्थिजों गावनि बाहगोनि टेक्सखौ होनांगोन। लन्दनआ शनिबारव जि-7 आ हादतफोरनि रांखान्थि मन्थ्रफोरनि जथुमायाव बे थांखिखौ लानाय जादोंदि, जेराव कम्पनीफोरा गावनि फालागिखौ खालामो। बेवहाय बिसोर मोनसे मोजां टेक्सखौ होनांगोन। जथुमायाव गोबां हादतफोरनि



कम्पनीफोराव 15 जौखोन्दोसिमनि टेक्स लागानायव गनायथिखौ बानायदों। रांखान्थि मन्थ्रफोरनि बे जथुमाया जि-7 नि दैदेनगिरफोरनि बोसोरारि गोजां थाखोनि जथुमानि सिगां जादों। बे गोजां थाखोनि जथुमाया 11-13 जुनसिमाव कार्बिस बे, कर्नवालआव जागोन। ब्रिटेइनआ मोनैबो जथुमाखौ दैदेनगोन। जि-7 आव खम आय थानाय हादतफोरनो भेक्सिनखौ जगायना होनायनि नारसिन्थाया थाबाय थारदों। आमेरिकानि हादतगिरि ज' बाइडेननि गेजेरजों मुलुगयारि 50 जौखोन्दो टेक्स बिबानि सावरायलायनायखौ हेफाजाब होनायनि उनाव जागायजेनाय जादोंमोन। बे जारिमिनारि थांखिजों बे सरकारफोरा कौटि कौटि डलार मोनगोन, जाय करना जेनाजों भुगिनायनि उनाव रां दाहार लानायखौ सुख'नो नाजादों। आमेरिका, ब्रिटेइन फ्रान्स, जार्मानी, कानाडा, इटालि आरो जापाननि गेजेराव बे रादाय खानायजों गुबुन हादतफोरवबो बे रादाय खानायखौनो गनायना लानायनि नारसिन्थाया थागोन। जर'खा महरै जि-20 हान्जानि बै हादतफोरव जाय फैनो गोनां दानाव जथुमाया जागोन।

महर बोगोरि

महर बोगोरि आं बे मुगानि
हागोनदा आखिनो-
गोसो गोबोनि सान्नायखौ- ?
सानो आं गोसोनि बाध्राखौ फोरमायनो
सुबुं लैथोनि बिखायाव रान्ना होनो
नाथाय सोर मिथिनो ?
आंनि थुलिखानि रावखौ-
सुबुंनि नोजोरव जीउ गैथै आं
सैना दोन्नाय गंसे सावगारीसो
रायदावगोन सोर आंखौ ?
मिथि मोनगोन दा- ?
थुलिखानि खायलें खुइलें बोनाय
राव गैथै सावगारीनि गाबखौ ।
नाथाय बेयावनो थाखोमादों
गासै आंनि-
सुखु-दुखु गाबनाय मिनिनाय मेंनाय-बानाय ।
हे ! सुबुं माहारि-
अन्नानै नाय नुनो मोनगोन
सान्नाय नाय बुजिमोनगोन
रायज्जायनानै नाय राव मोनगोन
दांनानै नाय साखाथियाव मोनगोन
आगानफ्रोमबो दावगालानायाव
आं थुलुंगा मोनगोन ।

पबित्र बसुमतारि
कक्राझर

बर' सिख्ला

बर' सिख्ला
हारिया नॉनानो गिदित
दाथानो बावगोमानानै
गावनि मै-रं गाबनि महरखौ ।
अनसुलि बैसोमुथि बिमा,
सीता सतिनि नेरसेनखौ दाबावगारलां,
हारिमुदनि बिमा जानानै
दाग 'संनो खोमसिनि हाख'राव ।
गोजौ हाजोआव गसंनानै
दिन्थिनो नाजानो जेब्लाबो
नॉनि असे मुश्रिखौ ।
दालाबो नों गोसोआव नेवसिनाय
गावनि महर मुश्रीखौ लानानै,
दासान नों मोजांसिनखौ मोननो
सिखिरिनि गां फुवारनाय महरखौ नुनानै,
दावराइ मोखेब, फारौ मेगन
गानजों दानानै दख्खा ।
सिखिरि मोसानाय, दावराइ मोसानाय
एरनानै जोमनो सादोर
मोसाफै नों बैसागु बोथोराव
बा-गु-रू-बा'
सिनायथों नोंखौ
बर' सिख्ला होन्नानै ।

मिथिसार बसुमतारि
गामि- 2 नं सियालमारी
जिला- कक्राझर बि टि सि आसाम ।

रंजालि गथ' फोरनि सौरा

मुखलं जोहोलाव

थारैनो नों सासे जोहोलावमोन
गावनि हादरखौ सिबिग्रा,
गावनि जोनोमफुरि हादरखौ
मोजां मोनग्रा जोहोलाव ।
थै-थां जुजियै जुजियै हारिखौ
खौसे लाबोनो नाजानाया थारैनो
दंमोन नॉनि गोथार गोसोआव ।
हानाय नड जॉ जेब्लाबो बावनो,
बेबायदि हादर अनसुला जोहोलावखौ
थास लाइनि जिउआ दिनेसिम
आसखान्दा जादोब्लाबो नॉनि
मावफारि जोहोलाव जादिमिना
अरायबो जॉनानै थाबाय थायो ।
एना एनि जानो रोडै सुबुंजों
हारिखौ खौसेआव जौहा होग्रा नों
थारैनो नों मुखलं जालांबाय ।
हारि सिबिसुला जेरावबो आखा फाखा
राफोद हारि सिबिसुला नों मावधि
मेंनो रोडै बानो रोडै जिराया जासे
नाजायो अरायबो मावनो सान हर ।
बावनो हाया जॉ बे बायदि
जोहोलाव फोरोगुरुखौ ।
मोदोमाव हारिनि थैखौ लानानै
हारि अनसायनाया मेगन गोसा
सुथुरजों नोजोर होजाना थारैनो
अबथिरा जिउआव नों मुखलं जालांबाय ।

मिस रंजालि बसुमतारि

मोगथाडसो सिमां

जेब्ला आं सिरियै गोदोहाबो
सानबोलावरिनि देरायाव
अब्ला जाखांफैयो फिर फिरनो
मोगथाड सिमां बादि
सिग्लाबलाडो फारनैबो खावलाय ।
गिसिखालाडो ब्राम ब्राम हाब्रां ।
अब्ला आं आरो रासिननिफ्राय रासिन मिनिसिनो,
गोसोनि मोदैखौ गोसोआवनो
थाथोंसै साननानै-
नाथाय गुबुनाय बान्दोनिनिसो
महर लायो... ।
सोंनाय फैयो.....
बबे बिखाया बबे गोसोजों सहायखो ?
माबोरै..... ?
जिउआ जिउनिनो
ना..... फोजोबग्रासो ?
खाप्पि बिप्पिनो.... ?
बेखायनोसो नामा रजे
सिमाड सिमां नड
मोगथाडसो सिमां ?

मिस रंजालि गयारि

निखावरिनि मोदै

फुंनि गोरलै सानजों लोगोसे सिखार फानानै
फारनैबो खावलाइआव रानथावनाय मोदै लानानै
सासे उन्दै गथ' आं बबेयावबा थाबायलाडो,
निखावरिनि मोदैआ रथ' रथ' बोहैलाडो ।
अनसुला बिफाया गोसोआव बायदि मिजिं लानानै
सानो फिसाखौ फेदरेनो फोरोंनो हाग्रायाव बन दाननानै,
मानिबा दुखुआव मोदैनै थरथिंआ र' गलाडो ।
निखावरिनि मोदैआ रथ' रथ' बोहैलाडो ।
मैयानि हराव गथआ बिजाब फरायनानै
दो उन्दुलांफलाडो साथिखौ खोमोरनो बावनानै,
सिरि मोनफिनोबा थाबआ जोवनानै थायो,
निखावरिनि मोदैआ रथ' रथ' बोहैलाडो ।
बिमाया राइयो गथ' रथ' रागा जॉफलांनानै
थिनहरफलाडो लाइनो रं नागिरनानै
मानिबा दाहाया बिमानि बिखाखौ सौगिललाडो ।
निखावरिनि मोदैआ रथ' रथ' बोहैलाडो ।
सोरनिबा दुखुआ सिफुं देंखो जानानै
गाबलाडो अस्थाय बिखाखौ सिग्लाबहोन्नानै
खबामा सिरियै गोमा लांखुमायो ।
निखावरिनि मोदैआ रथ' रथ' बोहैलाडो ।

बिजय बसुमतारि
गामि- कल'बारी ।

सिमां

नुदोंमोन आं समायना मन्दिर लुनाय
लुदोंमोनबो आं गंसे समायना मन्दिर ।
गैया नाथाय फोसाबनो
आंनि समायना मन्दिरा
जानांबाय दिने सोमखे आंनि
सिमांनि समायना मन्दिर ।
जावदोंमोन आं गंसे जिउ दिड
गुवार लैथोनि गेजेरजों
नाथाय मेगन गोसा बार मोदायआ
बुसोमना खोमावाय आंनि
आखायनि गंसेल' लोरगिखौ ।
जानांबाय आं लैथो गेजेरनि
लोरगि गैथै आनदायनाय दिडरि
नुदोंमोन आं बिबारनि बागानाव
बासे समायना बिबार ।
जादोंमोन आंनि गोसोआ,
लुबैदोंमोन आंनि गोसोआ
समायना नों बिबारजों लायनो
नाथाय सोरगिदि गिसिबो.....
गिलु बालु सुनि बॅनाय
माब्रैहाय फोलावनो आखाय
हायासे आं समायना बिबार नोंखौ लायनो
हास्थायनाय जादिमिन सिमां महर जालांबाय ।

मिस रोमै मसाहारि
कासिबारी ।

दुखुथिया बिमा

मा एसे गात्रि आयै नॉनि खाफालालाड
सानबाबो सानसनो हाया.....
फारसिंथै साननानै नाययोब्ला
हारसिडै गोबों खामगिललायानाय
जुजायनि अर बायदि दोहो-दोहो..... ।
खाफाल हमनानै थाथ' आयै.....
सानसे समाव जॉ बिग्राय फारि फोरजों
दानलाय...सुलाइ जिउ होन्नानैब्लाबो लुगोन जों
हिमालय हाजोआव बेलदिं न' ।
जांखि खांयो आयै बिग्राय फारिफोरा.....
नॉल' दुफां बोथोरनि बार बायदि
सिमत्रे-सिमत्रा हिउ-हिउ....
बारनाय बारोजों बिरफानानै जावलिना जानो दासान ।
मा एसे गात्रि आयै नॉनि खाफालालाय ।
बबेबा लैथोनिफ्राय फैन्याय दै बाना बायदि...
उलथालाय फालथालाय ।
दासान नों आयै हारसिडै जांखिखांनो माखासे
आरमि पुलिसफोर बायदि ।
जों दं आयै जों दं.....
जेब्लाबो दासाननॉन आयै दासान...
जेब्लाबो नॉनि मेगननिफ्राय गहोनो बबेबा जायागानिफ्राय
फैन्याय देबानानि मोदै ।
मा एसेबां दुखुथिया आयै नॉनि महरालाइ ।
बिजिर- बिजिरनानै नायब्लाबो
खुगायाव खुदै मेगनाव मोदै ।
मा एसेबां दुखुथिया आयै बे उजिगासेयाव
जॉनि जोनोमालाय ।

जाइखलं ब्रह्म
चिरां

फैफिन नों रजे

आंनि गोर गोसोआव नों जेब्ला
लुफावफैदोंमोन अन्नानयनि फिथिखा
नॉनि थार अन्नाया
लासै गेलेम लांदोंमोन गोरबो बिखा ।
जेब्लानों गोरबोनि लांदां मासियाव-
साननैसोनि आलासि जाना जिरायनायाव,
बुनाय बैफोर नॉनि राव फावआ
दड दाबोनो गोरबोनि दायरिफोराव रोखा रोखा ।
दिने सुथुरनि नाखेबनायाव-
गोसोआ नॉनि आंनिफ्राय बेसेबा गोजानाव
सुथुरखौ गियोब्ला
मानोथो मोजां मोना सना ?
गोसो सिखाव जानानै रजे
मोजां मोनलायनायनि गाथोनाव दागले ।
नॉनि अन्नायखौ लानानै
बावलांबायमोन आं दुखुनि सोमोन्दै,
नाथाय नॉनि फोथाय खेबस अन्नाया
दिने सोमजिहोबाय गोरबोआव हांमा... ।
नॉनि थाखाय सुजुनाय सिमाड
सिमाडेनो गोमोरलांनॉनबाय सना,
नोंखौ लानानै लुनाय मिजिंनि देरायावलाय
सुथुरनि लुफावनाय अरा जॉब्लाउ फैबाय ।
नों आंनि गोजान जादोंब्लाबो
गोमोराखै रजे नॉनि सावगारिया गोरबोनिफ्रायनो ।
सिमाड आंनि नॉनि थाखायल
मोगथाडव नॉनि अन्नाय मोननार्यनिल ।
गोरबोआव आंनो मोदैनै आगान होलानानै
आंनिफ्राय जानगारखो नों मा गोसो लानानै ?
मैगिलनाय सोलेरखौ लानानै
दड आं नोंखौनो नागिरबायनानै,
नाथाय दिने आंनि दावबायनाय लामायाव,
गात्रफलांबाय आं सुनि बेहेराव ।
आंथिनि सुखौ बखनानै
सानदोंमोन आं आगान सुरफिननो गोदानै,
नाथाय बखनो हायाखिसै आं रजे
नाजाब्लाबो गले गले ।
आंथिनि सुखौ बखनो-
नों नडब्ला हानाय नड रावबो ।
दड आं दिने जग्नबनानैसो
बे सुनि बेहेरावनो,
थैजासिम बेवनो थाबाय थानानै
नोंखौनो आं लामा नायबाय थासै ।
माब्लाबा आंखौ गोसोखांफिनोब्ला
अनसाय फैफिननो दाबाव सना
बे लामाखौ सं दाननानै सानसे-
आंनिसिम फैफिन नों रजे.... ।

मिस कल्यानि बसुमतारि
(कक्राझर)

बेनो जाथोंसै

(थानाय बिसाननिफ्राय)

“फागिल, मा सानखो ?” बिदि बुनानै आब' आ आंखौ
आंनि सान्नायनि ससेयावनो मोदोमाव गोबोर नारनानै होयो अब्लासो
गुरलाब मोनखांदोंमोन आं ।
“आब' आं दिने बुंला माब्लाबा बुंसिगोन । आं जोबोर
उखैबाय । थुदोना आंखाम जाहैदिनि ।” आं आब' खौ बुंफलादोंमोन ।
आब' आबो जेबो नारसिनाखिसै ।
बै दिनखालि आइ-आफामोनजों लोगोसे आब' आबो
सपिंआव थांफादोंमोन गोदान बोसोरनि गोदान गोदान मुवा बेसाद
लायनो जायदिनखालि आं हारिंनो सानस्रियाव गब'नो खाबु
मोन्दों । सानस्रि मुलुगाव गेलेबाय थानाय समावनो बिसालआ
सिडव हाबफैदोंमोन । आं जेबो बुडखै, बिसालाबो जेबो बुडखै
जानो हागौ बियो गिदबदोंमोन आंखौ । नाथाय सोंखारिनो हानाय
आंहा जेबो गोहो गैया आरो सोंखारियाबो होमब्लालाय मानोथो
गिदों बिसालआ ? बिसालनि उलथा फारसे मोजां जानानै थादोंमोन
आं मानोना आं नायनो हायाखैमोन बिनि मेगनाव, नायब्लानोदि
बिनि मेगननि जिलिदा आंनि मोदैनै बान्दोखौ गावफलडो ।
दिदोमथि गोसोजों लासै लासै दावगाबदोंमोन बियो आंनि सेराव ।
“आंखौ निमाहा होदो रिया । आंनि थाखाय नों जोबोर
दुखु मोननांबाय ।” फुथिस'यै रावजों बुंदोंमोन बिसाला आरो
बुंलाबावदोंमोन-
“थारै, आं जावलिना, फागला, लुबैसुला जादोंमोन
नामा..... ? जेबो सान्स्'ना मोनैआव नोंखौ लानानै दान्दिसेल'

मिजिं सुजुनाय । आं मोजां मोनोमोन नोंखौ आरो दाबो मोजां
मोनो, नाथाय..... । स'नानि नाव गंनैआव आगान होन्नानै नायगार-
नायगार गंसेखौ नागारहरफिननानै आं दाबो सानस'नो हायाखैदि
मा खालामब्ला गोजोन जागोन ।”
“नों जा खालामदों बेनो गोजोननायनि खुलि । नों जेबो
सान्ना नाड बिसाल । नॉनि आरो आब'नि गोजोननायनो आंनि
गोजोननाय । नों आब'नोल' जेबो दाफोरमाय । आरो नोंथ' गुबुन
रावनिबो जायाखै आंनिनो न'खरनि आंगो आब'निसो ।” रावा
थेरजोबदोंब्लाबो हाख'या-हाख'या जोथोनै बुंदोंमोन आं ।
“नॉनि गोजोननाया नानायनि खावसेल' गोजोननाय ।
नाथाय नॉनि फुरा गोजोननायखौसो आं हास्थायो ।” बिसालनि
राव ।
आं आरो मा बुंबावनो गावनायनि अनगा जेबो राहा
गैया । सहायनो हाथैयाव गुबुन ख'था मोनसेयाव ब्लद हाबलांदोंमोन
आं ।
जोबोर रंजानो नाजादोंमोन आं बै सानखालि जाय सानाव
आब'नि जुलि बिसालजों । आं बेखौ मोनथिगौमोनदि आब'नि
जुलिआव आं दसेब्लाबो रंजानांगौमोन बेनिखायनोथ' नाजादोंमोन
जोबोर खुसि जानो नाथाय हायाखैमोन आं नाजाथाबब्लाबो । मोनसे
बिधिनिफ्राय आब'आ गारनानै थांसिगोननि आरो गुबुन मोनसे
बिधिनिफ्राय गोरबोनि अनजालुआ गोमाजानायनि दाहानि गोफार
जिलिद गंनैआ आंनि बिखाखौ (5 बिलाइआव)

गोदान राइजोनि गिबि नुथाय

गोदान राइजोनि गिबि नुथाय
गुसु बारनि गिबि बिलिरजेननाय,
रान्दि आदुंगारिफ्रा मिगिल्लाबदों
मानिबा दाहायाव मोदैबो हुगरादों,
एभोरष्टसिम सौहैनार्यनि सिमांआव
होलोखो बुदांआ आदार बिबायदों ।
दैज्जलां बोथोरनि एम्बु नेरनाय बायदि
जैरिंथिबो रिखांदों भट हो, भट हो,
हरखाब दैदेनगिरिफोरनि दुब्लियाव
दालान, स्काइ स्क्रुपार रजदों,
सानगोहो सुबुंफ्रा आन्दायदों
रानखांनय सोलेरखौ सुगलायहोनो,
बरफनि दामोलाव एरसोहैदों
आरोबाव सानथ्रहायै गोबों ।
टिकादार बाबुफोरनि टिकादार होनायाव
बड'लेण्डनि रिउ-रिउ, खोल खोल
जिनो रोडै गोरा लामायाव
मोसो गारि गंसे खारनायाव
खुद्रिदों, हस्रिखावदों,
आरोबाव सहायनो बेसेबां ?
थरिनो बड'लेण्ड बिबार महर लानानै
गेवलां गेवथां बारगलां हांबाय,
बेरे सिखिरिफ्राबो बाहां बिरहां
बिदै सोबनो हांखुर जाखांबाय ।

रंगिना ब्रह्म
कक्राझर



पन्चायत आरो गामि जौगाखां बिफाना दाफामनाय बिथांखिफोरनि सायाव गिबि मन्थ्रिया

फोजौखानायनि सायावबो गिबि मन्थ्रिया गोर्नाथि होनानै मावख 'नि सिङव दाफामजानाय बिथांखिफोरा जाहाते गाहामै दाफामजाये बेनि थाखाय सिबिथाय बिबानगिरिनो गोर्नांथार बिबान लानो बिथोन होयो। बेनि अनगायैबो गोबां बिबानगिरिफोरा गोलाव समनिफ्राय मोनसे जायगा एबा मावख 'यावनो खामानि मावबोबाय थानाय बिबानगिरि–मावफारियाफोरनि बिथिनि सायाव गिबि मन्थ्रिया खोन्दो जौगाखां बिबानगिरि, गाव पन्चायतनि सेक्रेटारिफोरजों लोगोसे जायफोर बिबानगिरिफोरा मोनसे मावख'आवनो 3 बोसोरनिबो बांसिन खामानि मावबोबाय थाबोदों बिसोरखौ थाबैनो गुबुन जिल्ललायव सोलाय–सोल’ खालामनोबो बिथोन होयो। बेनि अनगायैबो बिफाना दाफामनाय बिथांखिफोरनि नायबिजिरनायखौ गोख्रौंसिन खालामनोबो गिबि मन्थ्रिया बिथोन होयो। गाहाय मन्थ्रि आवास बिथांखिन सिङव न’ लुफुनाय खामानिफोरखौ थाबैनो फोजोबनो गिबि मन्थ्रि शर्माया बिफाननो बिथोन होयो। मिरु सरकारनिफ्राय गोदानै गनायथि मोननो गोनं न'फोरनि सार्भेनि बिथिङव मोनबो रोखोमनि थालांनाय गैयैखौ रोखा खालामनो गिबि मन्थ्रि शर्माया बिथोन होयो जाहाते मोननो हाथावना नखरफोराल’ बे न'फोरखौ मोननो हायो। बे मेलार गिबि मन्थ्रनि चिफ सेक्रेटारि समिरु कुमार सिन्हा, पन्चायत आरो गामि जौगाखां बिफाननि चिफ सेक्रेटारि ङ’ जे बि एकका, पन्चायत बिबानगिरि हेमेन दासजों लोगोसे बिफाननि गोजौ थाखौनि बिबानगिरिफोराबो बाहागो लादोंमोन।█

हातिधुरा ब्लक मावखुलिआव बिटिसिनि गाहाय मावफुं सोद्रोमा प्रमद बर’आ दावबायहैदों

जाबाय होन्नानै फोरमायो। बे बिथांखिन फारिलाइयाव जायफोरनि मुङ थालांदों बिसोरनि मुंखौ फैगौ जुलाइ दाननि गेजेरावनो सोसन्नाय जागोन आरो जायफोर बे बिथांखिखौ मोन्नो हाथावे सुबुंफोरनि मुङ फारिलाइयाव थिसनजादों बिसोरनि मुंखौ फारिलाइनिफ्राय बोखारनायनि राहा लानाय जागोन होन्नानैबो बिथाङ फोरमायबावो।█

उद्यग आरो फालांगि बिफाननि खामानि मावफुंनायनि सायाव गिबि मन्थ्रि शर्माआ

उद्यग खोन्दोखौ मोनसे गोदान खारथाय होनो थाखाय प्छटै आप, गैलाईये फालांगि खालामनो हानाय बायदि जरखा बिथिंफोराव जों बांसिने गोर्नांथि होनो नांगोन। बिथाङा लोगोसे बुंबावोदि राज्य्चोनि उद्यगगिरिफोरनि मिजिं आरो गोसोखौ गोहो गोरासिन खालामनो थाखाय बिफाना गाहाम राहा लानो नांगोन। सा–सान्जा उद्यगआरि जौगाखां बिथांखिन सिङव गुबुन गुबुन बिथांखि नाजावनायनि थाखाय गोसो गुदुं उद्यगगिरिफोरा थिसन्नाय आर'जलाइफोरखौ थाबैनो सुघ्र्नांनायनि राहा लानो थाखाय उद्यग आरो फालांगि बिफाननि चिफ सेक्रेटारि के के दिबेदिनो गिबि मन्थ्रिया बिथोन होयो। राज्योनि उद्यगआरि महँरे बाहायनायनि थाखाय बाहायजाथाव हानि बिबांनि सायाव सुलु लानानै गिबि मन्थ्रि शर्माया ओरेनो गोग्लैसोनानै थानाय हाफोरखौ उद्यग आरो फालांगि बिफाननि गेजेरजों फालांगियारि महँरे बाहायनो थाखाय थांखि लानो हाथावना खालामनो बिफाननि चिफ सेक्रेटारिनो बिथोन होयो। इज अफ दुइं बिजनेजनि नेम–खान्थिफोरनि फारि बानायनायनि सायावबो बिथाङ गोर्नांथि होयो। राज्योयाव गोर्नांथि जानाय बादियै सोनारजाथाव मोनसे उद्यगआरि आबहावा सोर्जिनो गिबि मन्थ्रिया बिफाननो बिथोन होयो। गुबुन फार्सेंथि राज्योआव अगरु आरो चन्दन बायदि बेसेन गोर्नां बिफांनि फालांगियारि बिफां फुलि गायनाय हाबाफारि जागायजेननो थाखाय मोनसे थांखि लानोबो बोसोन होयो। कार्बि आंलं आरो डिमा हासाव जिल्लायारव मोननो हानाय गुवार हा बाहागोआव बे बिफांफोरखौ फालांगिनि थाखाय आबाद मानवो हाथावना जायगा महँरे बाहायनो थाखायबो बिथाङ उद्यग आरो फालांगि बिफाननो बोसोन होयो। गुबुन फार्सेंथि प्लाइउड दिहुनो थाखाय बुर्लुबुधुर दैमानि फारनैबो रगुङव गोर्नांथि जानाय बिफांनि आबाद मावनायनि राहा लानोबो बिथाङ बिफाननो बिथोन होयो। दिनैनि बे मेलार उद्यग आरो फालांगि बिफाननि मन्थ्रि चन्द्र महन पाटवारी, गिबि मन्थ्रनि चिफ सेक्रेटारि समिरु कुमार सिन्हा, उद्यग आरो फालांगि बिफाननि चिफ सेक्रेटारि के के दिबेदीजों लोगोसे गोबां गोजू थाखौनि बिबानगिरिफोराबो बाहागो लादोंमोन।█

कक्राझारनि सानै खौरांगिरिफोरा फाहामथाय लानायनि गेजेरजों करनानिफ्राय उदां जाबाय

गुबुन सासेबाव असर्माया खौरं बिलाइनि खौरंगिरि मुस्लि डि.एन. सिंनि देहायवबो करुना पजिटिभ मोन्नो हादोंमोन। पजिटिभ मोन्नायनि उनाव देहा फाहामगिरिनि सुबुरुन आरो बिथोन बादियै गावनि न'आवनो मोजां रोखोमनि फाहामाथाय लाबाय थानायनि गेजेरजों 7 साननि उनाव मुस्लि जायख्लं ब्रह्मनि देहानि रिपटँआ नेगेटिभ फैफिन्वो। लोगोसे बिथांनि फिसाज्न्ला आरो फिसाजोनि रिपटँआबो नेगेटिभ ओंखारो। नाथाय बिथांनि बिसि आरो बिखुन्जोनि रिपटँआ दासिमबो पजिटिभ मोनबाय थानाय हिसाबै बिसोरखौ कक्राझारनि आरएनबि सिभिल देहा फाहामसालिआव फाहामथाय होगासिनो। दासिमआव बिसोर सार्भेनि देहायाबो मोजाङव फेागसिनो दङ। बेयफार्सें गुबुन सासे खौरंगिरि डि.एन. सिंआबो फाहामथाय लानायनि गेजेरजों करनानिफ्रय उदां जानो एबा मोजां देहायाव फैफिन्वो हायो। बिथांमोननि देहा हालोदखौ खौरं लाहैनायजों लोगोसेयैनो दिने कक्राझार प्रेस क्लारबनिफ्राय माखासे जाग्रा मुवा–बेसाद आरो फिथाइ–सामथायफोर रगन्नानै हैयो। कक्राझार प्रेस क्लारबनि गाहाय नेहाथारि हान्थिगिरि नार्जारि आरो रिनय बसुमतारिमोनहा खौरंगिरिफोरनि नख'रआव थानानै जाग्रा मुवा–बेसादिन थफलाखौ गथायनानै हैयो।█

गामिनि बैसो गोरासिन आइजोनि जिउ खहा

नखरनि सोद्रोमा, बाय–बाहागिफोरनि नुजाथिनायाव तारं दैसानि रगुङव थानाय राइजोआरि गोथैसालियाव धोरोमारि नेम–खान्थिनि गेजेरजों बिथांखौ जोबथा मान बाउवो। बेनि सिगां समाव गासैबो राइजो–राजाफोरनि मुजाथिनायाव से मिनिट सिरि थानानै आर'ज गावनायजों लोगोसे बिथांनि गोथै सहआव बिबार बाउनानै जोबथा मान बाउवो। जरखायै आसाम गन’ परिसदनि कक्राझार जिल्ला कमिटिनि नेहाथारि जाकिर हुसेइनिनि दैदेन्नाय मोनसे हान्ज्याया गोथै सहनि सायाव बिहु फालि खोबनानै मान होनायजों लोगोसे दुखुथिया नखरसिन गोथौ दुखु मोन्नाय फोरमायो। लोगोसे रूंसारि अलेश्वरि रायनि जिउनि सायाव सुंद’ बिबुंथि होयो गामिनि गागि सुबुं जितेन रायआ। थैनायनि समाव अलेश्वरि रायआ सार्रै फिसाज्ला, सासे फिसाजो आरो गोबां बिसौ, बाय–बाहागिफोरखौ बे बुहुमाव अरायनि थाखाय नागारलाङे।█

आसाम सरकारआ राइज्योआव कभिड–19 नि

नायबिजिरगिरिफोर भारतआव कभिड–19 नि थामथि दोहौआ साग्लोबनो हागौनि फार्सें गले गले सांघ्रांथि होबाय थानाय हिसाबै आसाम सरकारआ थामथि दोहौनि हँथायै जुजिनो थाखाय दानिफ्रायनो साखा–फार जादों। बे आयदनि सायाव राइज्योनि देहा बिफाननि मन्थ्रि केशब महन्तआ फोरमायथिनाय बादिब्ला, राइज्योआव कभिड–19 खौ होबथानो आरो फोजोबनो थाखाय दासान्दि आसाम सरकारआ नांगौ रोखोमनि हाबाफारि लागसिनो थादों। राइज्योनि दरफ्रोमबो जिल्लायारव नांगौ जखाथिनि कभिड केयार सेन्टार आरो देहा फाहामसालिफोर फसदों। बे समाव दरफ्रोमबो जिल्लायारव जायखि–जाया समावनो 500 निफ्राय 1000 कभिड बेयमिफोरखौ फाहामथाय होनायनि खावु दङ। बुब्बियावनो देहा बिफानआ दासान्दि गथ'साफोर आरो बैसो गोरफोरनि थाखाय आलादायै आइसिइड जगायगासिनो थादों होन्नानै देहा बिफाननि मन्थ्रि महन्तआ खौरंगिरिनि सिगाङव फोरमायथिदों। मख'नाय जायोदि, आसामाव थानाय 24 घन्त्य समनि गेजेराव कभिड–19 जों गाग्लोबजानानै सा 37 सुबुंफोर जिउ खहा जाववनायजों लोगोसे गुबुन सा 2228 सुबुंफोरनि देहायाव गोदानै करुना पजिटिभ मोन्नो हाबावदों।█

सिआइटि, कक्राझार फेकाल्टि आरएल हतानि गोर्बांथार फोरमान

थानायारव मोनसे एफआइआर होबाय। लोगोसे सोरबाफोर बिथांनि बे गोर्नांथार फोरमानलाइफोरखौ बबेयावनो मोनफलांबायदोंब्ला 9101442059 फन नम्बरआव फोर्नांजाब खालामनो एबा खौरं हरनो थाखाय रजिबा लचन हताया गुरैये खावलायहरदों।█

बोथोरनि गिबि अखा हानायावनो काजिरङा नेसनेल पार्कआव दै

पार्कआव गिथाव महँरे दै बाना सोमजियो। जायनि जाहोनआव बे हाग्रामानि जिब जुनातफोर गोर्बांथार दैजों लोमजानानै थैनो गोनं जायो। खायसे जिब–जुनातफोरा हाग्रानिफ्राय ओंखारबोनानै 37 नं माहारियारि रजा लामायाव गाखोफेन्नानै गारि–मथरनि थालाय–फैलायाव जाब्रथायजों मोगा–मोगि जानानै थैनायखौबो नुनो मोनबोदों। बे बोसोरवाबो दैज्ळां बोथोरनि सिगां बोथोरनि गिबि अखा हानायावनो बुर्लुंबुधुर दैमानि दैया गिथाव महँरे देखेबोनायाव काजिरङा नेसेनेल पार्क आरो बेनि नांजाबफ हग्रा ओन्सोलफोरव दै बानानि महर लादों। बोथोरनि गिबि अखा हनायजों दै बाना सोमजिनाय हिसाबै नेसेनेल पार्कनि गोबां जिब–जुनातफोर 37 नं माहारियारि रजा लामाखौ बारस'नाय नुनो मोन्दे। बबेखानि रइज्यो हग्रा बिफानआ दै बाना सोमजिनाय समाव जिब–जुनातफोर आस्रय लानानै थानो हानायबादि काजिरङा नेसेनेल पार्कनि दाब–दाब जायगाफोरव हा खोखानानै होदोंब्लाबो बे हाग्रानि जिब जुनातफोर रेखाथि मोनजोबनो हायाखै। जायनि जाहोनआव दै बानाजों गोबां गिदिर–फिन्सा जिब–जुनातफोर थैनो गोनं जायो। बेयफार्सें खुंथया 37 नं माहारियारि रजा लामायाव गारि–मथरनि थालाय–फैलायाव लामा जाब्रथायजों जिब–जुनातनि थैनायखौ दबथायनायनि थाखाय गारि सालायनायनि गोखैथिखौ दबथायनो सिमना खानानै होदों। खुंथायनि बिथोन बादियै काजिरङा नेसेनेल पार्कजों सिनखावलंानाय आमगुरिनिफ्राय बागरिसिम माहारियारि रजा लामायाव 1 घन्त्याव 40 कि:मि: बांसिन गोखैथिवाय सालायनो मोन्नाय नङ।█

मिस्टार, मिच एन्ड किडस बड'लेण्ड–2021नि गिबि

दैदेन्नाय खुंनो लानाय मिस्टार, मिच एन्ड किडस बड'लेण्ड–2021 फेसन दिन्थिफुंनायनि बागै फोरमायथिनानै होयो। बिथाङ फोरमायनाय बादिब्ला, दासान्दि बादायारिफोरनि अडिसनआ अनलाइननि गेजेरजों सोलिगासिनो आरो बे अनलाइन अडिसनआ फेगौ 15 जुनसिम सोलिबाय थागोन। बिटिआर हालामनिफ्राय दासिम सा 200 नि बांसिन बादायारिफोर अडिसनआव बाहागो लाखंबाय। अनलाइनआव सायख'जानाय बादायारिफोरखौ अफलाइन अडिसन खालामहोनाय जागोन। बेबादिनो अफलाइन अडिसनखौ बिटिआरनि सिङव थानाय गुबुन गुबुन जायगाफोर जैरै–कक्राझार, गसाइगाव, सेरफांगुरि, बङइगाव, बरमा, रडिया, उदालगुरि, टंला, नलबारि, बरपेठयाव खालामनाय जागोन। बेबादिनो गोजूआव मख'नाय फेसन श्व'दिन्थिफुंनायनि ग्रेन्ड फिनार्लेखौ फेगौ आस्पट दाननि नैथि सप्ताहआव कक्राझारनि बड'फा काल्सारेल कमप्लेक्सआव खुंनाय जागोन। बे दिन्थिफुंना बादायलायनायाव देह्हासार जानो हानाय बादायारिफोरनो 30 रोजा नोगोद रजों लोगोसे ट्प्री, फोरमान बिलाइ आरो मुकुट होनाय जागोन।█

हारिमुआरि हाबाफारिफोरा बन्द जानानै थानायाव महरगिरि

मोगा–मोगि जाबोनांदों। बेबायदि महरगिरिफोरनो राडरि अनसुंथाय होनो थाखाय सरकारनिसिम खावलायहरदों कच–राजबंशी महरगिरि समाजा। कमतापुरि कच–राजबंशी महरगिरि समाजनि गाहाय नेहाथारि देबजित बर्मनआ दैथाय हरनाय गांसे रादाव बिबुंसारनि गेजेर जों मोथाय रोजाबगिरि ,मोसाखावरि,फावखालामगिरि, दामजु दामगिरिफोरा गुबुन गुबुन हारिमुआरि हाबाफारिफोराव खामानि मावबोनानै गावजों लोगोसे नखरखौ खांबोदों। नाथाय दिनैनि करनानि गोब्राब थासारियाव बिसोरनि रां आर्जिनायनि राहाया बन्द जानायव गोबां जेनाजों मोगा–मोगि जाबोनांदों। बेनिखायनो बि जे पि, ए जि पि आरो इउ पि पि एल जुथाय हान्जानि गोदान सरकारनिसिम राडरि अनसुंथाय होनो खावलायहरदों होन्नानै रादाव बिबुंसारनि गेजेरजों फोरमाथियो आफादिनि गाहाय नेहाथारि देबजित बर्मनआ। मख'नो गोनांदि सन्मान गोनां गावनि हारिमुआरि मुलुगनिफ्राय गावनानै गोबां राहा गैजायै महरगिरिफोरा दाव फालांगि, ना फालांगि, हाजिरा–मुजिरा मावनानै जिउ खानो गोर्नां जादों। लोगोसे फाहामथायनि आंखालाव गोबां महरगिरिफोरा जिउ खोमानो गोर्नां जादों होन्नानै रादाव बिबुंसारनि गेजेरजों दुखु मोन्नाय फोरमायो।

(४ बिलाइनिफ्राय)

बेनो जाथोंसै

सहायथावै सुग्लिबाय थादोंमोन। बेनि अनगायैबो गोरबोनि अनजालु गोमानायनि जिलदिनि गोहोआ बांसिनथारमोन जाउनाव आंखौ हारिंनो ख'था सिङव सोगाबवाय थादोंमोन। जानो हागौ आब'आबो आंनि जायगायाव जानायमोनब्ला बिदिनो जानांगौमोन।

“रिया.....।” हाबानि गानफब–जोमफब आब'आ आंखौ नायगिरबायदोंमोन जानांगौ। अब्ला आं आब'नि रायदावनायावसो बाग्दाव खांदोंमोन।

“नों मानो एसेबां गाबनो ओंखारदों, रिया ?” आब'आ सोंदोंमोन।

“आब' नोंदि आंखौ गारलांसिगोन।” आब'जों गोबोखबलायदोंमोन आं। आंनि गावनायखौ नुनानै सहायनो हायैआवबो आब'आबो गाबनांदोंमोन

गोसोनि खुसिखौ दोंनथ'नानै। आब'आ बेसेबां खुसि जादोंमोन बिसो मोनथिगौ मानोना बनि सिमाङदि जेबो हँथा गैयालासे मोखथाङव फैनो हादोंमोन।

“मा खबर रिया ?” रुपेसा गुरै रावजों सोंदों आंखौ। जोबोर मेंग्लिनाय देहाखौ फांसे बिफाङव होलेनदों बियो। आथिं थोंसेखौ बिफांनि सोलेराव गाबथादों। आखाइ फारनैखौबो हेबलाय होनानै बिखायाव ओलैप्रो लादों। नाथाय बनि खाफालाव थैसामजों लोगोसे गुफुर बेण्डेसआ दिनै गैला।

“ख'बरा मोजाँ” मा बुंगोन मा बुङ जानानै मिनिस्लुनानै फिनो आं।

चिरां पुलिसआ फिन एन एल एफ बिनि सासे गोख्रों सोद्रोमा आरो सासे लिंकमेनखौ हमबावदों

गथायनायनि उनाव बर'फोरनि गेजेराव फिन हाथियार दैग्रा बिग्रायारि हान्जा थागोनखौ मिजिंथियासैमोन। नाथाय गोजोन गोरोबथा जानानै थानायनि उनावब्लाबो बर'नि गेजेराव एनएलएफबि मुंनि मोनसे बिग्रायारि हान्ज्याया जोनोम मोनबावदों। बेरफार्सें गोदानै जोनोम मोन्नाय बे एनएलएफबि बिग्रायारि हान्जाखौ दानायनि खौरंखौ मोन्नाय समनिफ्रायनो रेखाथि बिफानआ बे हान्जानि हँथायै गोख्रोङे नायबिजिरगासिनो थाबोदों। पुलिस बिफानआ गोख्रोङे संदानाय आरो नायबिजिरनायनि फिथाइ महँरे दासिम एनएलएफबिनि माखासे सोद्रोमा आरो लिंकमेनफोरखौ हमनायाव जाफुंसारनो हादों। बावैसो सप्ताहफोर सिगां चिरां जिल्लायारव सासे लिंकमेनखौ हमनो मोन्नायनि माखासे सानफोरनि उनावनो दिनै फिन एनएलएफबिनि सासे गोख्रों सोद्रोमा आरो सासे लिंकमेनखौ हमनो हाबावदों चिरां पुलिसआ। मोनसे संगालि सुलुंखौ बिथा खालामनानै एनएलएफबिनि सोद्रोमाफोरा थाफैनायनि खौरंखौ मोन्नानै चिरां पुलिसनि उफ्रा एसपि, ढालिगाव पुलिस थानानि असि, रुनिकाता पुलिस थानानि आइसिनि दैदेन्नायाव पुलिस आरो 156 बेटेलियन सिआरपिएफ सान्थ्रि हान्ज्याया जुथायै मोनसे नायबिजिरनाय हाबाफारि बान्ज्यायनायनि गेजेरजों थानाय 4 मेखालि एनएलएफबिनि सासे गोख्रों केदार आरो सासे लिंकमेनखौ हमनो हादों। हमजानाय गोख्रों केदारखौ चिरां जिल्लानि ढालिगाव पुलिस थानानि सिङव थानाय सा रैमारि गामिनि दैसु नार्जारि अरफे एन दुलाराय (24) होन्नानै सिनायथिनाय जादों। एन दुलारायआ म्यान्मार हादरआव फोरोंथाय मोन्नाय 43 थि बेस एनडिएफबि (एस) नि गोख्रों सोद्रोमामोन होन्नानै मिबथिनो मोन्नाय जादों। एरैहाय हमजानाय गुबुन सासे लिंकमेनखौबो चिरां जिल्लानि ढालिगाव पुलिस थानानि सिङव थानाय सुदेमफुरि गामिनि इन्द्रजित दैमारि अरफे बि इरगदाव (34) होन्नानै सिनायथिनाय जादों। चिरां पुलिसनि उफ्रा एसपिआ फोरमायनाय बादिब्ला, हमजानाय बिसोर सानैबो एनएलएफबिआव गोदानै सोद्रोमा थिसन्नाय आरो एनएलएफबिनि मुङव रां खानाय आरो दाबिनायजों फान्ड बांहोनायाव गोख्रोङे खामानि मायगासिनो थादोंमोन। लोगोसे बिटिआर ओन्सोल जर'खायै चिरां जिल्लायारव माखासे आइन बेरेखा आरो हादर बेरेखा खामानि मावनायावबो लोब्बा दंबोयोमोन। बिसोर सानैखौ रुनिकाता पुलिस थानायारव 15/2021 नम्बरनि केस थिसन्नायनि लोब्बायै हमनाय जादों होन्नानै पुलिसआ फोरमायथिदों।█

पान्जाब–हारियानायाव सोमजिनाय आबहावानि जेनाया जोंनावबो सौफैगोनः आयुस गार्ग

बाहागोनि दैया जिंगासिथावना महँरे खम जालांदों। बाक्सा जिल्लानि मुसलपुरआव मुलुगनां आबहावा सानखालि बिफां फुलि गायखानायनि उनाव बाक्सा जिल्लानि जिल्ला बेंगिरि आयुस गार्गआ बे बाश्राखौ बुङे। पान्जाबनि थागिबि महँरे रोंग'थि मोन्नायखौ फोरमायथिनानै पान्जाब–हारियानायारव सोमजिनाय आबहावानि जेनाया जोंनावबो सौफैगोन होन्नानै बुंनायजों लोगोसे सानसे दुलाराय हादोतआनो बेनि जाहोनाव भुगिनांगोन होन्नानैबो जिल्ला बेंगिरि गार्गआ बुङे। बि टि ए डि खौरांगिरि गौधुम, बाक्सा जिल्ला कमिटि आरो आसाम खौरंगिरि आफादिनि बाक्सा जिल्ला कमिटिनि बान्ज्यायनायाव मुसलपुर जिल्ला मिर्कनि लोंगोनायाव मुलुगनां आबहावा सानजों लोब्बा लाखिनानै खुंफुनाय बिफां फुलि गायनाय हाबाफारियाव बाहागो लानानै जिल्ला बेंगिरिया साफ्रोमबो सुबुङ आबहावा सरैखाथिनि थाखाय बिफां फुलि गायनायखौ मोनसे थांखि महँरे लानो थाखाय खावलायहरो। बाक्सा रेभिनुड सार्कलनि फोर्नांजाबआरि बिबानगिरि मनज दले, सावस्रि आरो नखर अन्साय बिफाननि बिबानगिरि ङ’ मबिदुर रहमान, फरायसालि नायदिंगिरि भवेन देउरी, जाग्रा आदार आरो जगायथाय बिफाननि लेङइ बिबानगिरि जतिन्द्र बसुमतारी, माहारियारि सावस्रि बिथांखिनि जिल्ला खौरं रोंगोसार प्रसान्त कुमार दत्त, बि टि ए डि खौरांगिरि गौधुमनि जिल्ला आफादगिरि आरो नेहाथारि पारिया बिनय कुमार बर' आरो निरेन कुमार शर्मा, आसाम खौरांगिरि आफादिनि नेहाथारि मनहर राजबंशीजों लोगोसे गुबुन गुबुन खौरां बिजोंनि खौरांगिरि आरो गुबुन गुबुन बिफाननि बिबानगिरि–मावफारियाफोराबो बे हाबाफारियाव बाहागो लादोंमोन।█

श्रीरामपुरआव 1 किःग्राः आफिं आरो गोबां बिबांनि फेग्रा निसा फिथाइ हमदों

सिमना श्रीयमपुर गेटआव सानफ्रोमबो आइन बेरेखा फेग्रा बेसाद बोखानो हानाया सानफा–एफा बालांगसिनो थानायखौ नुनो मोन्दें। बेखौ नोजोर होनानै आसाम पुलिस बिफानआ आथिखालाव श्रीरामपुर गेटआव गोख्रौंसिन सिप्रोमनाय हाबाफारि खालामगासिनो थादों आरो बेबादिनो सानफा–एफा हमजानायाबो बालांदों। हमजानाय गारि सालायगिरिआ बे बेसादखौ गुवाहाटीनिफ्राय लाबोदों होन्नानै फोरमायदों आरो बेखौ राजस्तान फार्सें लानो नागिरदोंमोन होन्नानै बुंदों। हमजानाय बे 1 किःग्राः आफिंजों लोगोसे फेग्रा निसा फिथाइनि लि्रथाइया गासै 369 किःग्राःसो जागोन होन्नानै सान्नाय जादों आरो बेफोरनि बाजार बेसेनआ 15 लाख रांसो जागोन होन्नानै पुलिसआ मिथिहोदों। रांसे 10 साखाजि कन्टेनारजों लोगोसे सानै सुबुंखौ पुलिसआ हमनो हादों। हमजानाय सुबुंफोरखौ राजस्तान दंगरबानि थागिबि रत्न राम (48) आरो आसु राम (42) होन्नानै सिनायथिदों। बिसोरखौ जिजे 08 इउ–1974 नम्बरनि रांसे गारिखौ नंखाय नम्बर आरजे 19 जिए–5105 नम्बर प्लेट लगायनानै लाबोनाय गारिजों लोगोसे हमनो हादों होन्नानै पुलिसआ फोरमायदों।█

टंलायाव मबाइल फन सिखाव हमदों

चार्जार आरो हेड फन फोरखौल’ बोखानो हायोब्लाबो बे खौरांखौ लि्रनाय समसिम रांसेबो मबाइल फनफोरखौ बोखानो हायाखैमोनब्लाबो अदेबानि चि चि टि भि रेकर्डिङव नुनाय नुथाय बादिब्ला गांसे मनायाव गोबां बिबांनि मबाइल फन खावनानै लांदोंमोन। मिथिनो मोन्नाय बादिब्ला बे सिखाव खावनाय जाथायनि गाहाय दायनिगिरिया टंलानि नबिन पल्लनि थागिबि 9 थाखोनि फरायसा आरो सन्देह खालामजाथाव सिखाव सासेया टंलानि बाड़ै बस्तिनि थागिबि 10 थाखोनि फरायसा होन्नानै सिनायथिदों। █

“गाज्रि” रुपेया आंनि बाश्रा जोवनाय लोगो लोगो लुंहरो आरो ज'रायदेरबावो।–

“ख'बरा आंनाबो गाज्रि। जिउ मिजिनि दावहाथिलिआव दावहा नाडै–नाडै गले–गले जेननांबाय आं। सान्दोंमोन गोसोखौ आरो मिजिंनि दावहाथिलिआव ह'गारला नाथाय.....”

“बुंदों, गासै बाश्राखौनो बुंदों आंनो फिसाज्ला, माने..... ...गुमेया।” रुपेसनि बाश्राखौ दान्थेनानै बुदों आं।

“बिदिब्ला नों मा बुङे..... ?” आखाय फारनैनि आसि बिमा थायनैखौ लंपेन सिपियाव हायथानानै लासै लासै आंनि सेराव फेदों जानांगौ रुपेसा। आं उलथा फारसे मोखां जानानै थानायलाय उनथिं नायहराखै। बिनि सोंथिनि फिनखौ आं सानस्रि मुलुगावसो फिनदों–

“आं मा बुंनो रुपेस। जिउनि दावहायाव आंबोदि जेनबाय। नोंनि मेंग्लिनाय समाव एसेबां गुरै खावलायनायखौ आं बौरै फेलें खालामनो। आं साना नोंनि बादायगिरि केलि,सेरिनामोन बायदि नोंखौ दुखु होनो। जिउनि निदान समाव नोंखौ लोगो मोनफिनबाय जेब्ला गोसोआ गोजोनो नाजाबाय। नोंं जा मिजिं थिबाय बेनो जाथोंसै। खाफालनि जारिमिनाव जानो हागौ संसारा नोंजों आंजोंनोखा(?)” सानस्रि मुलदिनिफ्राय ओंखारबोफिन्ना रुपेसनि मोखाङव नायदों आं दिनै गिबि खेबनि थाखाय।

365 डेनि मिशेल मरनआ थाबैनो बलीउडआव एन्ट्री जानो हासिगौ

गोदान दिल्ली, 6 जुन: ग्लबल हार्टप्रन मिशेल मरनआ मुलुगनाडे माखासे सुबुंफोरनि थाखाय मेन अफ दा ड्रीम जादो। सावथुन 365 डे'आव गावनि हट लुकजो फेन्सफोरनि बिखाखौ मावखा'होनो हाग्रा मिशेल मरनआ भारतआवबो गोबां फेन्सफोर दड। बे जाहोननि थाखायनो बिखौ थाबैनो बलीउड सावथुनफोरव नुनो हासिगौ। आधिखालआव माइकेलजो लोगोसे बनि सावथुन एबा वेब श्व'आव मुंसाइ होनायनि थाखाय खौराड सोलिगासिनो दड। जुदि गासिबो थांखिनि बायदियै सोलियोब्ला बिखौ बलीउडनि एक्सन सावथुनआव नुनो



मोनगोन। मीडिया रिपोर्टनि बायदिब्ला करण जौहरआ मिशेल मरननो मोनसे सावथुनखो अफार होदो आरो मोनसे गिदिर धर्मा प्रजेक्टनि थाखाय बिखौ मुंसाइ खालामनो थाखाय सोमोन्दोबो लाखिदो। बेल' नड खौराडव बेबादि करणनि अनगायै आरोबाव सानै गोजौ थाखोनि भारतीय सावथुन बानायगिरिफोराबो गिदिर बाजेटनि गिदिर बिथांखिफोरजो लोगोसे मिशेलजो सोमोन्दो लाखिदो। मिशेलनि नेटफ्लिक्स सावथुनआ रिलीस जानायनि उनाव बियो हट प्रफार्टी जादो आरो भारतआव बियो मोनसे गोबां गिदिर बाखायाग्रा हान्जाखौ मोनो हादो।

गाहाम देहानि राहा

गिलाससे गायखेराव गरनै बादाम होनानै लौनायजो माखासे जेनाफोरनिफ्राय रेहाय मोनगोन

गोदान दिल्ली, 6 जुन: गायखेरा गाहाम देहानि थाखाय मोनसे साबसिन फुंखा महैरे गनायजायो आरो करना बोथोराव इमिउनिटिखौ गोखोडे लाखिनाया जोबोद गोनां। बेबायदि समाव माखासे एरेबायदि मुबा-बेसाद जानाया गोनां, जायजो इमिउनिटिआ गोखो जायो। गायखेरा गोखो इमिउनिटिनि थाखाय जोबोद गोनां। बेबाय सानफ्रामबो गरनै बादाम गलायनानै लोडोब्ला बेजो इमिउनिटिआ गोखो जागोन। बेनि अनगायै बादामावबो जेनाफोरनिफ्रायबो जानगायव थानो हागोन।



बोसोन होनाय जायो।
3. दोगोननि हाबाफारिखो गाहामै लाखिनो थाखाय गायखेराव बादाम होनानै लौनायजो मुलाम्फा मोनो। अदेबानि बादामाव फाइबरनि बिबाड गोबाडे थायो, जाय डइजेस्टिब सिस्टेमखो एक्टिवै खामानि मावहोनो थाखाय थुलुंगाखांहोयो। बेजो गेस आरो खि गोरा खिनायनि जेनाबो जायो।
4. गायखेराव बादाम होनानै लौनायजो देहायाव थैनि आंखालबो जायो। अदेबानि देहायाव आयरनि आंखालजो थैनि आंखाल जानो हमो। बेरा फारसे, बादामाव थोजासे बिबानि आयरन मोन्याय जायो, जायखौ जानायजो हीमग्लबिननि थाखाया बारायो। बेनि अनगायै बादामजो देहायाव बेमारजो जुजिनो हानाय गोहोयाबो

दा फेमिली मेन 2 खौ लानानै इउजारफोरनि रागा जौनाया खमायाखै

मुम्बाइ, 6 जुन: मनज बाजपेयी, सामन्था अक्किनेनी आरो प्रियामणिनि गाहायाव फाव खालामनाय वेब सिरिज दा फेमिली मेन 2 खौ नायगिरिफोरा मोन्दो। नायगिरिफोरजो लोगोसे नायबिजिरिफोरगोबो वेब सीरीजनि सलखौ लानानै फावगिरिफोरनि फावखौ बाखायदो। फारसेधिं आधिखालआव मोनसे हान्जाया सीरीजखौ हेंथाबो होदो। ट्रेलरआ रिलीस जानायनि उनाव सशेल मीडियाआव इउजारफोर रागा जौदोमोन जायनि उनाव मेकासआ बुंदोमोनिदि बिसोरो दा फेमिली मेन 2 खौ नायग्रोनंगो आरो उनाव वेब श्व'आ तामिलफोरनि हेंथायै नंगोना नड बेखौ थि खालामनांगो। आधिखालआव इउजारफोरनि रागा जौनायखौ

सुनील दत्तआ रुंसारि जानायनि सिगां परेश रवालनो लाइजाम लिस्टोमोन

गोदान दिल्ली, 6 जुन: बलीउडनि मुंदांखा फावगिरि सुनील दत्तआ रुंसारि जानायनि माखासे चन्त् सिगां फावखुंगुर आरो एम पि परेश रवालनो खत लिस्टोमोन। 2018 नि 30 मेआव परेश रवालआ गावनि जोनोम सानआव मीडियानिफ्राय लाइजामखौ शेयार खालामदो। उनाव सावथुन सन्जुआव परेश रवालआ सन्जय दत्तनि बिफा सुनील दत्तनि फाव खालामदोमोन। परेश रवालआ बेखौबो फोरमायदोदि, रुंसारि जानाय सुनील दत्तआ गावनि मोजां लोगोफोरनि गेजेराव सासेमोन। परेश रवालआ सुनील दत्तनि बे लाइजामखौ गावनि सशेल मीडिया एकाउन्टआव फोरमायदोमोन। लाइजामआव सनील दत्तनि स्टायम दड, जाय सासे एमपीमोन। लाइजामआव लिस्टो अनजाली परेश जी, 30 मेआव नोथांनि जोनोम सानआ फेसिगो। आं नोथांनि गोलाव बैसो आरो मोजां साननि थाखाय आर'ज गाबो। भगवानआ नोथां आरो नोथांनि नख'रनि सायाव सुखिखौ सारस्त्रिबाय थारो। मोनसे इन्टरभिउआव परेशआ फोरमायदोमोनिदि 2005 नि 25 मेआव आं मोनसे सावथुननि सुटिखौ खालामबाय थारोमोन



आरो आं एसे गोबाव जागोनखौ न'आव फन खालामना खिथाहरनो नाजादोमोन। बे समावनो आं मोनथिदोदि, सुनील दत्तआ आधिखालआव बे मुलुगआव गैलिया। आं लोगो लोगोनो आंनि बिसिनो फन खालामना दत्तनि रुंसारि जानायखौ फोरमायदो आरो बनि न'आव थोंगोनखौ फोरमायदो। बे समावनो आंनि बिसिआ फोरमायोदि, आंनि थाखाय गांसे लाइजामआ दत्तनि फारसे फेदो। आं बिनियाव लाइजामआव मा दड होना सोडे अब्ला बियो फोरमायोदि, दत्तआ नोथांनो जोनोम साननि गाहाम हामलायथि बाडदो।

साहरुख खानआ शूहानानि मोनसे गोजाम जाथायखौ शेरार खालामदो



गोदान दिल्ली, 6 जुन: बलिउड सुपर स्टार शाहरुख खानआ सावथुन इन्डस्ट्रीनि बै स्टारफोरनि गेजेराव सासे, जाय गावनि पार्सेल आरो प्रेफेरेन्सल लाइफखौ मोजाडे



खमायनाय नुनो मोनाखै। आरोबाव खनसे दुइतरआव दा फेमिली मेन 2 नि हेंथायै हेस्टेबा Familyman2-against tamil ट्रेड लागायदो। सासे इउजारआ एमेजन प्राइम भीडिअनो टेग खालामनानै लिस्टो गासिबो बेनि सायाव सोनारोदि दा फेमिली मेन 2 नि सायाव मा एक्सन लानाय जायो, सासे गुबुन इउजारआ एमेजन बयकट खालामनायनि बाश्रा बुंदो। तामिलनाडुनि मन्थि एमथनाराजआ मिरुनि फोसावदि आरो फोरमायथि मन्थि प्रकाश जावडेकरनो लाइजाम लिस्नानै सीरीजआव बेन लागायनायनि दाबि दैखदोमोन। थनराजनि फारसे दैथायहरनाय लाइजामआव बुंनय जादोदि, दा फेमिली मेन 2 सिरिजआव तामिल ओन्सोलफोरखौ गोबां गात्रि रोखोमे दिन्थिनाय जादो। लोगोसे सेनो श्रीलंकायाव तामिल सुबुंफोरनि जारिमिननि दावहा नानायखौ बानायनानै दिन्थिनाय जादो। मख'नो गोनांदि, 4 जुननिफ्राय दा फेमिली मेन 2 आ एमेजन प्राइम भीडिअयाव स्ट्रीम जाबाय।

'दिल छडकने दो' नि 6 बोसोर फुरा जानायाव अनिल कापुरआ भिडिअ शेरार खालामदो


गोदान दिल्ली, 6 जुन: जया आखार बिथोन होनाय सावथुन 'दिल छडकने दो' नि रिलिस जानाया 6 बोसोर फुरा जाबाय। बे सावथुनआ दिनेनि सानावनो 2015 आव रिलिस जादोमोन। आधिखालाव सावथुननि 6 बोसोर फुरा जानायाव फावखुंगुर अनिल कापुरआ सावथुननि शुटिनि सानफोरनि मोनसे भिडिअखौ शेरार खालामदो। बे भिडिअखौ फेन्सफोरा गोबां मोजां मोन्दो। अनिल कापुरआ शसेल मिडियाआव गोबां एक्टिभ थायो। अनिल कापुरआ गावनि माखासे सावगारिफोर आरो भिडिअखौ फेन्सफोरजो लोगोसे शेरार खालामबाय थायो। अनिल कापुरआ सम-सम गावनि सावथुनफोरनि



बाश्राफोरखौ गोसोखां होबाय थायो। बावैसो समाव अनिल कापुरआ सावथुन' गिव छडकने दो' नि 6 बोसोर फुरा जानायाव सावथुननि शुटि समनि बिटिएस भिडिअखौ शेरार खालामदो। अनिल कापुरआ गावनि मावख'यारि इन्सटाग्राम एकाउन्टनि गेजेरजो मोनसे

स्टारकस्टफोरनोबो टेग खालामदो। मख'नो गोनांदि, सावथुन दिल छडकने दो' आ 5 जुन 2015 आव रिलिस जादोमोन। बे सावथुनाव अनिल कापुर रणबीर सिं, प्रियंका चपड़ा, अनुष्का शर्मा, बिक्रान्त मेस्सी, फरहान आख्तर, शेफाली शाह, राहुल बसखौ गहाय फावआव नुनो मोन्दोमोन। सावथुना गारै 100 कौटिनि फालांगि खालामदोमोन। अनिल कापुरनि वार्कफ्रन्टनि बाश्राखो चुडेब्ला बिखौ जोबथा खेब गिदिर फर्दायाव सावथुन 'मलंग'आव नुनो मोन्दोमोन। बे सावथुनाव बिजो लोगोसे आदित्य राय कापुर, कुणाल खेमु, दिशा पाटानीखौबो नुनो मोन्दो।

नक्ली हाइजेनिफ्राय सांग्राडै'था, बियो देहाखौ गात्रि खालामनो हागौ




गोदान दिल्ली, 6 जुन: जोनि साहाआ हाइजेनि अनगायै आद्रा जायो। गरम बोथोराव हाइजेन्खौ बांसिनै बाहायनाय जायो। माखासे मैंग-थाइफोरवबो हाइजेन्खौ बांसिनै बाहायनाय जायो। करना बोथोराव इमिउनिटिखौ बाराय होनो थाखाय काडा बानायनायावबो हाइजेन्खौ बाहायनाय जायो। करना बोथोराव मुलुगनाडेनो हाइजेन् बाहायनाया बारायबाय। बे बोसोरनि जानुवारीनि उ ननिफ्रायनो हाइजेनि बेसेनखौ बारायनाय नुनो मोन्दो। भारत, चीन आरो इउरपआव हाइजेन्खौ बांसिनै दाबि दैखाडे। बेनि जाहोनाव बाजाराव नंगुबै हाइजेनि जायगायाव नक्ली हाइजेन्बो फाननो हमबाय। बेनिखायनो बाजाराव हाइजेन् बायोब्ला

सांग्रा जानांगोन। मानोना हाइजेन् महैरे हाजोनि बिफोनि बेदरखौबो गोथां हाइजेन् होना फानगासिनो दं। बेबाय हाइजेनि गुनबो थाया आरो हाइजेन् बायदि स्वादबो गैया नुनायाव बिखौ नंगुबै हाइजेन् बायदि नुयो। मिथिनो मोन्याय बायदिब्ला हाजोनि बिफोनि बेदर हाइजेनिखुइ बेसेन कमसिन जानायनि जाहोनाव बेबाय मुलाम्फायाबो बांसिन जायो। बेनिखायनो बेखौ बाजाराव आधिखालाव गोबाडेफनगासिनो दं। आधिखालाव बेनि आबादबो खालामनो हमबाय। बेखौ सिनायनो हानाया जोबोद गोब्राब नाथाय बिखौ बायनाय समाव नोजोर लाखिनांगोनिदि, हाइजेनि बिगुरखौ आसुगुरजो सैनानै बेखौ गोसा मोना मोना मोनामा मोनामसुना नाय। जुदि मोनामसुनायाव गोसा मोनामोब्ला

'गपी बहु' एबा देब'लीना भट्टाचार्जीआ हिन्जाव गोदान जासिगोन

गोदान दिल्ली, 6 जुन: 'साथ निभाना साथियायि गपी बहु एबा देब'लीना भट्टाचार्जीआ आधिखालआव गावनि बल्ड सावगारिफोरजो फेन्सफोरखौ गोमोहोदो, फारसेधिं बियो आरोबाव मोनसे गोमोथाव बाश्रा बुंदो। गावनि पार्सेल लाइफनि सोमोन्दे खम बाश्रा बुं ग्रा देब'लीनाया बावैसो समाव मोनसे इन्टरभिउआव बुंदोदि, गाव थाबैनो जुलि जासिगोन। देब'लीनाया जेब्ला बिनि बयफ्रेन्डनि मुंखो फोरमायो अब्ला बियो फोरमायाखै। बियो मुंखो फोरमायैनि जाहोनखौबो फोरमायदो। बेनि सिगांबो देब'लीनाया बिग बस 14 आव



नाथाय जों बेखौ फे गौ बोसोरसिमनि थाखाय दोन्थबाय। आं बे इन्फेक्सन गोसारनाया जोबगोनखौ नेनाने दड जाहाथे आं जुलिखौ लानानै थांखि लानो हायो। आधिखालआव आं गावनि रिले शानसिफआव गोबां खुसियाव दड; नाथाय माब्ला मा जागोन बेखौ फोरमायनो हाया। आं लाइफ आरो थासारिखौ बुजिनायाव सम लादो। आंनि पार्टनरआ गोबां बुजिना आरो सापर्टर, नाथाय फोरमायनो हायादि फेनो गोनां समफोरव मा जागोन। आं जुलि खालामनायनि थांखि लायोब्ला साफ्रोमनोबो फोरमायगोन।

सोनाब बंग 'आव गिदिर खैसार सानाया फेलें जादों

कलकातायाव थानाय बि जे पिनि मावख 'नि खाथियाव थर 51 बमा मोन्दों

सोनाब बंग', 6 जुन: गोनाब बंग 'आव भारतीय जनता पार्टीनि कलकाता मावख 'नि खाथियाव गोबां अन्जमानि बम मोन्दों। सुलुडव फोरमायनाय बायदिब्ला, कलकाता पुलिसनि एन्टी राउडी सेक्सन (एआरएस) आ शनिबारखालि कलकाताआव बिजेपिनि मावख 'नि खाथियाव थानाय हेस्टिंस क्रसिं ओन्सोलनिफ्राय थर 51 था बम नागिरना मोनो। इनपुट मिलिट्री इन्टेलिजेन्सआ बेनि सोमोन्दै खौरं होदोंमोन होन्ना खौरं एजेन्सि एएनआइआ फोरमायदों।



मिथिनो मोन्नाय बायदिब्ला, बे गासै बमआ कुड बम आरो बेखौं फिथाइनि खादायाव दोन्दोंमोन। आथिखालाव बम फोजेबसांग्रा हान्जाया जायगायाव सौहेनानै बमखौं सिलिखार खालामनो नाजागसिनो दड। एरैहाय बे बमआ बबेनिफ्राय फैया सोर दोना आरो बेनि थांखिया मामोन, बे गासै सानायनि फिन्नायखौं नागिरनो थाखाय पुलिसआ नायबिजिरनायाव नांथाबनानै दड। मख 'जाथावदि, जेराव बे बमखौं मोन्दों बेनिफ्राय बिजेपिनि मावख 'नि जान्थाया गासै 100 मितारा। पुलिसआ बे जाथायनि सोमोन्दै मिथिनो थाखाय सिसि टिभि केमेराफोरखौंबो नायबिजिरगासिनो दड। नाथाय आथिखालाव पुलिसनि आखायाव दासिमबो जेबो खौरं फैयाखै।

एलियाननि रहस्यनिफ्राय फैसालिखौ बोखारना होनो हायाखै आमेरिकाया

वाशिंटन, 6 जुन: एलियान, इउएफएनि बादिखौ लानानै गोबां बोसोरनिफ्रायनो सावरायवाय थानाय, खैसार सानायनि सन्देह' खालामनाय, टेलिभिसन श्व' सावथुनफोर आरो जंखायलायनाय केसनफ्राय बेनि सोमोन्दै जेबो गोखौं फोरमान मोन्नाय जायाखै। बेनि थाखायनो बुहुमनिफ्राय आलादा मुलुग थानायनि आसा खालामनाया दानो फुरा जानाय नड। आमेरिकानि संगालि बिफाननि सं दानगिरिफोर गोबां बोसोर नाजानायनि उनाव एलियाननि थानानै थानाय आरो बिनि हा सा बाहागोजौं सोमोन्दो थानाय जेबो फोरमानखौं मोन्दो



हायाखै। नाथाय बिसोरो एलियान्स थानायखौं नेवसिगारखै। आमेरिका संसदनि सिगाडव बे दाननि जेबथायाव होनाय रिपटनि सोमोन्दोयाव सा 2 बिबानगिरिफोरा बुंदों आमेरिकानि अखांमा सान्थिनि पायलटफोरनि गेजेरजौं नुनो मोन्नाय गोमोथाव सावगारिनि

सोमोन्दै सरकार रेखा सुबुन होनो हानायनि थासारियाव गैया। रिपटआव बे बाथानि आसा ख। ल। म। न। य। खौ। बो। नेवसिगारखैदि, पायलटफोरनि गेजेरजौं नुनो मोन्नाया गोमोथाव सावगारिआ माबेबा हादतनि जोगाखौं टेकनिकनि बाहागो नडमोन।


काबुल, 6 जुन: आफगानिस्ताननि बड्घिस ओन्सोलआव जानाय मोनसे बम बेरफुनाय जाथायाव सा 11 सुबुंफोरनि जिउ ख'हा जायो। अबकामारी जिल्लानि गभर्नर खुदादद तेयदआ बे खौरंखौं होयो। बे जाथाया बड्घिस ओन्सोलनि अबकामारी जिल्लानि लामा सेराव जायो। टल निउजनि रिपटनि बायदिब्ला, बे जाथाया जायगासिन सम बायदियै शनिबार बेलासिनि गासै 5 रिगायाव अबकामारी जिल्लानि चलक गामियाव जायो। जायगानि बिबानगिरिफोरनि बायदिब्ला, भुगिनांग्रफोरनि गेजेराव आइजो आरो गथ'फोरनो दफयो। अबकामारी जिल्लानि गभर्नरआ बे बम बेरफुनायनि थाखाय तालिबाननि उतखारिफोरखौं दाय हमदों। नाथाय आफदआ दासिमबो बे जाथायनि सायाव जेबो बिबुंथि होयाखै। मिथिनो मोन्नाय बायदिब्ला, माखासे हाबाफारिनि सायाव आफगान



सान्थि हान्जा आरो तालिबाननि गेजेराव सोलिनयाव दावहानि जाहोनाव हादतआव हिंसायारि जाथाया बांसिन्दों। रैखाथि बिबानगिरिफोरा शनिबारखालि थानाय 24 घन्टानि गेजेराव खमैब्लाबो 10 था ओन्सोलफोरव सरकार सान्थि हान्जा आरो तालिबाननि गेजेराव दावराव-दावसि जानायनि खौरं होयो। आफगानिस्तानआव रैखाथि हान्जा आरो तालिबाननि उतखारिफोरनि गेजेराव दावहा सोलिगासिनो दड। तालिबानआ नुरिस्ता रइज्यो थानाय आरोबाव मोनसे जिल्लानि सायाव दखल खालामना लादों। थानाय शनिबारखालिबो काबुलआव

चीन आरो जापानआव सेनकाकु द्वीपखौ लानानै जेनाया बांदों

बेइजिं, 6 जुन: चीन आरो जापाननि गेजेराव सेनकाकु द्वीपखौ लानानै जेनायाव बांगसिनो दड। मानोना चीनआ आरो खेबसेबाव बेयो गावसोरनि गहाय हानि बाहागो होन्ना दाबि दैखादों। एरैहाय जापानआ चीनआ गोसो जानानै बेयाव जेनानि थासारि सोमजिहोगासिनो दड होन्ना बुंदों। बिसोरनि नावआ सेनकाकु आरो बिसोरनि खाथि-खालानि जेना गोनां द्वीपनि सिमायाव लांश्रथै 120 साननिफ्रायनो थाबाय थादों। बिसोर सेनकाकु द्वीपनि सिमायाव थानाय हारिमायारि नेमखान्थिखौ सिफायगासिनो दड। बेनि सोमोन्दै जापाननि रैखाथि मन्थि नबुआ किशीआ बुंदों, जौं बेयाव सांग्रं जानानै नोजोरहोगासिनो दड। बेर फारसे चीननि गुबुन हादतयारि बिफाननि बुंथिगिरिआ दिआअयु (सेनकाकुखौ चीनआव बे मुंजौं मिथिनयाय जायो) द्वीपखौ गावसोरनि ओन्सोल होन्ना बुंदों। बेयावनि रैखाथिनि बिबानआबो



चीन सान्थिफोरनि होन्ना बिथाड बुंवावदों। बबेखानि जापानआवल' नड चीनआ ताइवान आरो मलेशियायनि सिमायावबो हाबनानै बे दरनै हादतफोरखौं हुमरिख होगासिनो दड। चीनआ ताइवाननि अखांमा

सिमायाव आरोबाव खेबसे हाबबावदों। चीननि गं 29 फाइटर प्लेनआ ताइवाननि सिमायाव हाबदों। बेबायदिनो खोला चीन लैथोमायाव थानाय मलेशियायनि सिमा सिडाव चीननि उरं जाहाजआ हाबदों। बेनि सोमोन्दै मलेशियायनि गुबुन हादतयारि मन्थिआ चीनआ मलेशियायनि सिमना नेमखान्थिखौ सम्मान खालामनांगो। अदेबानि आमेरिकानि बिबानगिरिफोरा ताइवानआव थानायनि खौरं मोन्नाय लोगो-लोगो चीनआ उसु-खुथु जादों। मानोना बे खेबाव आमेरिकानि साथाम एमपिफोरा ताइवानआव थांगासिनो दड। बे साथाम सोद्रोमाफोरा आमेरिकानि सोनेटनि आम्ड सार्थिस कमिटिनि सोद्रोमा। बेयाव बिसोर ताइवाननि गोजौ थाखोनि दैदेनगिरिफोरजौं लोगोसे हमनानै बिसोरनि ओन्सोलारि रैखाथिनि सायावबो सावरायगोन।

जानाय मोनसे बम बेरफुनायाव सासे आइजो खौरंगिरिजौं लोगोसे सब्रै सुबुंफोर थैयो। बघलानआव सानै पुलिस गहायफोरजौं लोगोसे रैखाथि हान्जानि सा 8 सोद्रोमाफोर थैयो। मख 'नो गोनांदि, आफगानिस्ताननि सान्जा रइज्यो नुरिस्तानआव थानाय दोआब जिल्लानि सायाव दखल खालामनायखौ लानानै थानाय 20 साननिफ्रायनो दावहा सोलिगासिनो दडमोन।

उतखारिफोर जिल्लानि गासै लामाफोरखौ बन्द' खालामबाय। बेर फारसे जाग्रा आदार जगायना होयै आरो गला बारुद मोनैनि उनाव रैखाथि हान्जाया जिल्लानिफ्राय गावसोरनि बेखन्ना लानायखौ हगारबाय। बेनिखायनो आथिखालाव तालिबानआ नुनग्रामखौबो बेखन्ना लाबाय। थानाय सानथामनि गेजेराव मोन 3 जिल्लाफोरा तालिबाननि आखाबाय थांबाय।

गोखौं केसनि गेजेरावनो मेहुल चकसीआ फिन बारग' बावबाय



गोदान दिल्ली, 6 जुन: पान्जाब नेसनेल बेंकखौं कौटि-कौटि रं थगायनाने गुबुन हादतआव खारखोमालानाय हीरा फालांगि मेहुल चकसीया भारतजौं हमजाहं जानानै फिन बारग'लांबावबाय। केरेबियानि हादत डमिनिकआव हमजानाय चकसीनि बेरेखायै फोरमानफोरखौ लानानै मोनसे भारतीय हान्जाया मेहुलखौं भारतआव लाबोनो चार्टर्ड उरं जाहासजौं बेयाव थांदोंमोन। बेनि जाउनव माखासे गोबां सांथि सिखादों। डमिनिकानि बिजिरसालिनिफ्राय चकसीखौ भारतआव लाबोनायाव माखासे सम मोनबावबाय। चकसीआ पीएनबिजौं लोगोसे 13,500 कौटि रं थगायनायनि केसआव गावनि बियायै नीख मदिजौं जेनाबो दं। चकसीनि बेरेखायै केसआ गोखौंमोन, बे अब्लाबो डमिनिकानि बिजिरसालिया बे केसखौ दोन्थयो आरो उननि हियारिनि अक्टखौबो थि खालामना फोसावाखै। मिडिया रिपटनि बादिब्ला चकसीनि उकिलआ बेरेखा दोलोफोरजौं जयै लोगो नांन न्यायपालिकाखौ नारसिन्नायाव जाफुंसारनो हायो। बिजिरसालिया एन्टीगुआनिफ्राय आयेन बेरेखायै डमिनिकायाव हाबहैनानयनि जाहोन उकिलफोरनि बे बाथ्रा बान बुंथायखौ मानिना लादोंदि, चकसीखौ खावनायै बेयाव लांनाय जादों। फारसेथि फोरमानफोरनिफ्राय मिथिनो मोनोदि, चकसीआ क्युबायाव खारखुमालानो फुरा थियारिसैमोन। अदेबानि चकसीआ एन्टीगुआनि नोगोरारि। थानाय सपताहायव एन्टीगुआनिफ्राय डमिनिकायाव आयेन बेरेखायै हाबहैनानयाव बेखौं हमनाय जादोंमोन। भारत सरकार बेखौं लाबोफिनो नाजागसिनो दं।

बैसो जायै हिन्जावसाखौ जिनाहारि खालामनायनि दायआव पर्ल वी पुरीखौ एकता कापुरआ सापर्ट खालामदों



गोदान दिल्ली, 6 जुन: टीभि फावखुंगुर पर्ल वी पुरीआ आथिखालआव बैसो जायै हिन्जावसाखौ जिनाहारि खालामनायनि केसजौं भुगिनादों। बावैसो समाव एकता कापुरआ सशेल मीडियानि गेजेरजौं पर्ल वी पुरीनि सायाव जाबसिन्नाय जिनाहारिनि दायखौ नंखाय होन्ना फोरमायदों। आथिखालाव एकता कापुरनि बे दाबि दैखानायावो मुम्बाइनि वसइनि डी एस पीआ गावनि फिनजाथायखौ होदों। शनिबारआव पर्ल वी पुरीनि

केसआव डी एस पी सन्जय कुमार पाटिलआ मीडियाजौं बाथ्रा सावरायदों। बे समाव बियो फावखुंगुरनि सायाव जाबसिन्नाय गासिबो दायफोरखौ फोरमानफोरनि सायाव बिथा खालामनानै नंगुबै फोरमायदों आरो बुंदों बिनि सायाव जाबसिन्नाय मोनसेबो दायआ नंखाय नड। सासे रिपटरआ सन्जय पाटिलखौ बुंदोंदि, एकता कापुरआ पर्ल वी पुरीनि हेंथायै जाबसिन्नाय गासिबो दायखौ नंखाय होन्ना फोरमायदों। बेनि सायाव डी एस पीआ बुंदों बे दायआव आबुडैसोखव फेदों। बिनि हेंथायै फोरमानबो दड। बे जाहोननि थाखाय पुलिसआ बिखौ ग्रेप्टार खालामदों। नायबिजिरनायाव नंगुबैजौं हेफजाब होनाय जागोन। मख 'नो गोनांदि, पर्ल वी पुरीखौ ग्रेप्टार खालामनायनि उनाव एकता कापुरआ सशेल मीडियाआव बिनि थाखाय गोलाव पस्ट लिदोंमोन।

इमरान खाननि सायाव सिन्धनि गिबि मन्थिआ दाय जाबसिनदों

इस्लामाबाद, 6 जुन: सिन्धनि गिबि मन्थि सैयद मुराद अलि शाहआ पाकिस्ताननि गहाय मन्थिनि सायाव गावनि राइज्यो आरो बेनि थागिबिफोरखौ गात्रि आखु दिन्थिनयनि दाय जाबसिनदों। बियो बुंछेदि, इमराननि सरकार सिगांनि हाबाफारिखौ मावफुनो हायाखै। बेनिखायनो सिन्धनि जौगाखानायनि थाखाय नोजोर होयाखै। बियो इमरान खाननयाव पाब्लिक सेक्टर डे भेलपमेन्ट प्रग्राम (पिएसडिपि) नि प्रपेजालनि सायाव फिन सावरायफिनो आर 'ज गावदों। बिनि बुंनाय बादिब्ला बे प्रपजालआ सिन्ध राइज्योआव थाग्राफोरनि हितआव दं। सैयद मुरादआ इमरान सरकारनि सिन्धखौ नोजोर होयैखौ लानानै गावनि रागा जौनायखौ फोरमायदों। बेनि सोमोन्दै बियो इमराननो गांसे लाइजामबो हरदों। बे लाइजामाव सैयदआ बुंदोंदि, जेब्लानिफ्राय पाकिस्तानाव इमरान खाननि सरकार जादों, अब्लानिफ्राय सिन्धखौ बाथुल बायदि आखु दिन्थिदों। लोगोसे बे लाइजामाव गोबां आयदाफोरखौ दैखानानै सैयदआ बुंवावोदि, इमराननि सरकारा ब्रै बोसोर फुरा जाबाय। बे समाव पिएसडिपिनि गेजेरजौं सिन्धआ बेनि



मोन 6 यजनाफोरखौल' मोन्दों, जायजौं सिन्धनि आखाइयाव खालि 5069 मिलियन राडाल' फेदों। इमरान सरकार जानायनि सिगां बोसोर 2017-18 आव सिन्धनि बाहागोआव 29 यजनाफोरनि गेजेरजौं 23 बिलियननि बांसिन रांखांन्थिखौ हरदोंमोन। नाथाय इमरान खान सरकारनि समाव 2020-21 आव मोन 20 यजनाफोरनि गेजेरजौं 8 बिलियन रं, 2019-20 आव 13 यजनाफोरनि गेजेरजौं 8 बिलियन रंखौ सिन्धआ मोन्दों।

2018-19 आव 22 यजनाफोरनि गेजेरजौं सिन्धआ 14 बिलियननि एसे बांसिन रांखांन्थिखौल' मोन्दोंमोन। लाइजामाव सैयदआ रागा जौनाय फोरमायनानै लिदोंदि, जेब्लानिफ्राय 2018 आव इमराननि खुंथाय फेदों, अब्लानिफ्राय सिन्धफोरजौं सरकारा इनाय अनागार आखु दिन्थिदों। नेसनेल हाइवे अट 'रिटिनि सायाव हादतनाडैनि गिदिर लामाफोरखौ बानायनायनि बिबान दं। नाथाय बेबो सिन्धखौ बाथुल बादि आखु दिन्थिदों। गुबुन राइज्योफोरजौं रुजुनायाव सिन्धआ बे अट 'रिटिनि प्रजेक्टफोरखौ जोबोद खम मोन्दों। लाइजामाव सैयदआ गुबुन राइज्योफोरा मोन्नाय प्रजेक्ट आरो बेनि रांखौबो मख 'दों, जेराव बियो लिदों पान्जाबआ 22 यजनाफोरव 32151 मिलियन रं, खैबर पखुंखुंआ 21 यजनाफोरव 41256 मिलियन रं, बलुचिस्तानआ 15 यजनाफोरव 24150 मिलियन रं मोन्दों। फारसेथि सिन्धनि बाहागोयाव खालि मोन्नेल' यजना मोन्दों जेराव 7111 मिलियन रंआव बेयाव सौफेदों। बेफोरो फोथायनो हाथावै दुखु नांथावदि, बेफोरो सैथो होन्नायै गिबि मन्थि सैयदआ लाइजामाव लिदों।

টকিয় অলিম্পিকআব গল্ড মেডেল দেহানো থাখায় রাহুল রহিলায়া थाबायनाय हुदाखौ जागायबाय

गोदान दिल्ली, 6 जून: 20 किलमिटर थाबायनाय बादायनायाव अलमिपकनि थाखाय सायख 'जानाय बाहादुरगरनि थागिबि राहुल रहिल्लाया लकडाउननि समाव अमेक्स सिटीआव थानाय सेक्टर डिबाईड रडआव बादायनायनि थाखाय हुदा खालामनो हमबाय। 500 मिटर जान्थायनि थांखि लानानै थांलाय-फैलाय खालामना सानफ्रामबो 15 निफ्राय 20 किलमिटर सिम हुदा खालामो। कच गैथैनि जाउनव राहुलआ गावनि बिदा गेदेर आसीपनि नोजोर खालामनायजो गावनि हुदा खालामनायखौ जागायनो हमबाय। रङ्ग्यो सरकारनिफ्राय 5 लाख रं अनुस्थाय महरै मोनारनि उनाव डाइट आरो




हुदानि थाखाय जानाय खसखौ लानानै जानाय जेनाय रेजे जाना फेनायनि उनाव अलमिपकनि थाखाय जान्जि खाफ्रबाय। राहुलआ फेरमायदौद, थाबायनायाव अलमिपक क्वालिफाइ जानो थाखाय 20 किल'मिटर जान्थायखौ 1 घन्टा 21 मिनिटआव फोजोबनांगो। 2019 रानचीआव जानाय बादायनायाव गोजान जान्थायखौ 1 घन्टा 21 मिनिट 59 सेकेन्डआव फोजोबनो हादोमोन। 59 सेकेन्ड सम बांसिन लानायनि थाखाय अलमिपकनि थाखाय क्वालिफाइ जानो हायाखौमोन नाथाय एसियाडनि थाखाय सायख 'जादोमोन। कसानि थाखाय एसियाडआ बन्द' जाना फैबाय।

फिफा वर्ल्ड काप क्वालिफायर

टीम इन्डियानि मिडफील्डर अनिरुद्धआ कातारनि हेँथायै बादायनायाव टीमनिफ्राय बायजोयाव थानांदों

गोदान दिल्ली, 6 जून: कातारनि राजथावनि देहायाव जानाय फिफा वर्ल्ड काप क्वालिफायरआव टीम इन्डियाआ जेनाजों मोगा-मोगि जानांदों। मिडफील्डर अनिरुद्ध थाफानि देहायाव करना सन्देरजानायनि लोक्षोन मोन्याय जादों, जाउनव बिथांखौ देहायावनो आलादायै क्वारेन्टाइन थाहोनाय जाबाय। कातारनि हेँथायै थांनाय सानखालि गेलेनाय मेचनि सानसे उनाव थामहिनबा शुक्र बारखालि करना



सन्देरजानायनि लोक्षोन मोन्याय जायो। जायनि जाउनव बिथाड कातारआव जानाय मेचनिफ्राय जानगायव थानाडो। ए आइ एफ एफनि जेनेरेल सेक्रेटारि कुसल दासआ बेनि सोमोन्दे मिथिहोदों। बिथाडा बुंदों, थाफाखौ टीमनिफ्राय आलादायै क्वारेन्टाइन खालामनाय जाबाय। 23 बोसोरनि गेलेगिरिखौ माखासे साननि गेजेराव फिन करना नायबिजिरनाय जागोन। बिथाडा भारतनि जाना 20 निफ्रायबो बांसिन मेच गेलेबाय। भारतआ सिगाडावबो फिफा वर्ल्ड काप खुंनो दाबि दैखानायनिफ्राय बायजोयाव थानांबाय। अब्लाबो टीमन्याय 2023 एसियाय कापनि थाखाय क्वालिफाइ जानो हानायनि सुबिदायाव दं। टीम इन्डियाआ युफ इ नि 6 था मेचफोरव 3 पइन्टजों ब्रैथि थाखोयाव दं। कातारआ 7 था मेचाव 19 पइन्ट लाखिनायजों बे गुपनि गिबि थाखोयाव दं। अमाननि टीमआ खेब 5 मेचाव 12 पइन्ट आरो

जन रहमआ टाइगर वुडसजों समान रेकर्ड खालामनो हायाखै

गोदान दिल्ली, 6 जून: जन रहमआ थामथि बादायलायनायनि 18 थि हलसिम 6 शट खालामनानै पइन्टखौ बांहोनानै नैथि खेब मेमरियेल गल्फ टुर्नामेन्टआव देरहानानै टाइगर वुडसनि समान रेकर्ड खालामनो हानायनि थाखोयाव सौहेबायमोन। नाथाय करना भाइरस पजिटिभ मोन्यायनि जाहोनाव बिन सिमां नुनाया आद्रा जानानै थादों। रहमआ सैथि आरो नैथि बादायलायनायावबो गोखोडे



दिन्थिफुंदों हादोंमोन। नाथाय बियो कभिड-19 नि पजिटिभ मोन्याय स्पेनिश गल्फरनि खाथिनि सोमोन्दोया फेदोंमोन। पिजिए टुरनि बादिब्ला बियो सानफ्रामबो आन्जाद नायजानायनि शार्तआव टुर्नामेन्ट गेलेदोंमोन। बिन खेबफ्रामबो आन्जाद नायजानाया नेगेटिभ फेदोंमोन। नाथाय नैथि बादायलायनायनि उनाव आन्जाद नायनाया पजिटिभ फेदों। बियो बिबुंथि फोसावनानै बुंदों जिउआव बेबादि जेना गोनं थासारिया सौफेबाय थायो। बियो बै समफोरनि गेजेराव मोनसे, जेराव गोमोनांन्यायनि सायाव फिन जाथाय होनाया सासे सुवुनि महराव आखल आखुखौ दिन्थियो।

डेबन कानवेआ गोदान वर्ल्ड रेकर्ड सोरजिदों, इंग्लेन्डनि हेँथायाव 39 बोसोरनि गोजाम केप्टेन वेसेलनि रेकर्डखौ गाख्लायनो हादों

गोदान दिल्ली, 6 जून: लर्डसआव जानाय गिबि टेस्ट मेचआव डेबन कानवेआ इंग्लेन्डनि हेँथायाव रेकर्ड सिफायनो हानायजों जारिभिन सोरजिनो हादों। सौरख गांगुली आरो रनजित सिनझीनि रेकर्डखौ गाख्लायनानै गिबि बादायलायनायाव डब्लस सेन्सुरि लानो हानाय गेलेगिरि जानो हानायनि उनाव बिथाडा ब्रैथि सानाव केप्टेन वेसेलसनि 39 बोसोरनि गोजाम रेकर्डखौ सिफायनो हायो।



डेब्यु मेचआव अपेनार महरै बांसिन रान लानो हानायजों रेकर्ड लाखिनो हानायव जाफुंसार जायो। गिबि बादायनायाव 200 रान लानो हानायनि उनाव नैथि बादायनायाव 23 रान लानो हानानै आउट जायो, अब्लाबो बिथाडा गासे 223 रान लानो हानायजों फिन गोदान वर्ल्ड रेकर्ड लाखिनो हायो। बिथाडा केप्टेन वेसेलसनिफ्राय सिगां फारसे दावगानो हायो, जेराव वेसेलआ 1982 आव जानाय डेब्यु टेस्ट आव इंग्लेन्डनि हेँथायाव 218 रान खालामनो हादोंमोन। बिथाडा गिबियाव 162 आरो नैथि बादायलायनायाव 46 रान लाखिनो हादोंमोन। कानवेआ डेब्यु टेस्टआव बयनिखुडबो बांसिनै रान खालामनायनि फारिलाइयाव 5 थि जायगा आवग्रिनो हाबाय। जेराव कानवेनि डेब्यु टेस्टनि बांसिन रान लाखिनाय मुनि फारिलाइयाव टेस्टइन्डिजनि लरेस् र'नि मुड गिबि थाखोयाव दं। बिथाडा 1972 आव अस्ट्रेलियायनि हेँथायाव 314 रान लाखिनो हादोंमोन।

राफेल नाडाल आरो नबाक जकबिचआ गोरलैथैनो 4 थि थाखोनि बादायलायनायाव जायगा आवग्रिनो हादों

पेरिस, 6 जून: टेनिस मुलुगनि मुंदांखा गेलेगिरि राफेल नाडाल आरो नबाक जकबिचआ थामथि थाखोयाव देरहानानै गोरलैथैनो ब्रैथि थाखोयाव जायगा बानायदों। नाडालआ ब्रिटेननि केमरुन नरीखौ थोंजों सेटआव 6-3, 6-3, 6-3, जों फेजेन्दों। जकबिचआबो थोंजों सेटआव 43 थि नम्बरनि गेलेगिरि बे रंकि सखौ फेजेन्दों। जकबिचआ गावनि केरियारनि 19 थि ग्रेन्डस्लेम बिमुंखौ गावनि मुं खालामनो थाखाय फ्रेन्च अपेनआव आवगाय लांगसिनो दं। नाडाल आरो फेडाररआ 21 थि ग्रेन्डस्लेम बिमुंनि थाखाय गेलेदों। किसोर सानैनि मुडाव वर्ल्ड मेन्स सिंगोल्सआव बयनिखुडबो बांसिन 20-20 ग्रेन्डस्लेम बिमुं दं। 4 थि थाखोआव



जकबिचआ इटालिनि लरेन्ज मुसेतीजों बादाय लायगोन। गुबुन बादायलायनायाव इटालिनि जैनि क सिनटआ थामथि थाखोनि बादायलायनायाव सुइडेननि मिकएल यमरखौ थोंजों सेटआव 6-1, 7-5, 6-3 जों फेजेनानै ब्रैथि थाखोयाव जायगा बानायदों, जेराव बियो 13 खेब

फ्रेन्च अपेननि देरहागिरि राफेल नाडालजों बादायलायगोन। 12 थि खेब फ्रेन्च अपेननि देरहागिरि जकबिचआ 4 थि थाखोनि बादायलायनायाव सौहेदों। बेनि सिगां 11 थि खेब 200-15 सिम 4 थि थाखोनि बादाय लायनायाव सौहेनो हानाय रिक्डआ नाडाल आरो फेडाररनि मुडाव दंमोन।

ग्रेन्डस्लेम चेम्पियन रजार फेडाररआ गेजेरावनो टुर्नामेन्टखौ नागारनो हागौ

पेरिस, 6 जून: आइजोफोरनि गेजेराव वर्ल्ड नम्बर -2 गेलेगिरि नावामी असाकाआ फ्रेन्च अपेन टुर्नामेन्टखौ नागारनायनि उनाव आथिखालाव 20 खेब ग्रेन्डस्लेम चेम्पियन रजार फेडाररआबो गेजेरावनो टुर्नामेन्टखौ नागारनो हागौ। थामथि थाखोनि बादायलायनाय मेचनि उनाव बिखौ गोबां मनाय नुदोंमोन आरो बिन हान्युआव जेना सोमजिदोंमोन। थानाय से खावसे बोसोरनिफ्रायनो बियो हान्यु सानायनि जेनाजों भुगिनांदों। डिमिक कएफरनि हेँथायै मेच देरहानायनि उनाव बियो बुंदोंमोनदि, टुर्नामेन्टखौ लानानै गोथो गोथो जादों। 3.5 घन्टा सोलिबाय थानाय बे मेचआव फेडाररआ 7-6, 6-



7, 7-6, 7-5 जों कएफरखौ फेजेनो हादों। बे समाव बिन साज्जिरी खालामनाय हान्युआव गोबां प्रेसार गोलैदों। मेचनि उनाव फेडाररआ बुंदों गाव मोनथिया जे इयुनाय मेचखौ गेलेनो हागोन ना हानाय नड।

बेनि सायाव थाबैनो थांखि लानांगोन। जोखोम जानाय हान्युनि सायाव प्रेसार होनाया खैफेदनि बाथा। बे समाव आराम खालामनायनि थि सम नामा? इयुनि राउन्डआव फेडाररआ प्री-क्वार्टर फाइनालआव 9 थि रिकनि

इटालीनि माथि बेरेतिनीजों बादाय लायगोन। समबागव जानो गोनं बे मेचनि सिगां फेडाररआ 24 घन्टनिफ्रायबो खमसिम सम आराम खालामनो मोनगोन। 2020 आव अस्ट्रेलियायन अपेननि उनाव बियो 2 खेब हान्युनि साज्जिरी खालाम जादोंमोन। बियो आथिखालाव 21 थि ग्रेन्ड स्लेमनि सायाव नोजोर होदों। थानाय 1.5 बोसोराव बेयो फेडाररनि थामथि टुर्नामेन्ट। बियो बे बोसोरनि कातार अपेन आरो जेनेभा अपेनआव बाहागो लादोंमोन। बे मोनै मेचनि गिबि बादायलायनायावनो बियो जेदोंमोन। उइम्बल्डनआ फेडाररनि केरियारनि जोबथा टुर्नामेन्ट जानो हागौ। बे मेचआ 28 जुनिफ्राय जागायजेगोन।



टेस्ट मेचनिफ्राय जानगायव थानांनो हागौ। मख 'नो गोनांदि, इंग्लेन्डनि गोखों बल खुबैग्रा अली रबिन्सनआ गावनि अफमान गोनं दुइटनि उनाव गोखों फिनजाथायजों मोगा-मोगि जानो थियारि जादों। अली रबिन्सनआ ससियेल मिडियाआव गावनि मावनाय गोरोन्थिनि निमाहा बिनायनि उनावबो इसीबीआ बे आयदाखौ नेवसिमगो आरो नायबिजिरनायनि थांखि लायाखै। रिपर्टनि बादिब्ला 27 बोसोरनि गेलेगिरिखौ एजबेस्टनाव निउजिलेन्डनि हेँथायाव जानाय नैथि टेस्ट सिरिजनिफ्राय बिथानि मावनाय हाबानि थाखाय जानगायव दोनो हागौ। निउजिलेन्डनि हेँथायाव जानाय गिबि टेस्ट मेचनि गिबि गेलेनायाव अली रबिन्सनआ बेरेखा टीमनि गोखों गेलेगिरि टम लेथम आरो रस टेलरखौ लाफाना सा 4 गेलेगिरिनि उइकेट लादोंमोन। नैथि गेलेनायाव ब्रैथि साननि मेच जोबनायसिमाव सानै गेलेगिरिफोरनि उइकेटखौबो रबिन सनानो लादोंमोन। किबि टीमनि केप्टेन केन उइलियायमसनखौ 1 रन आरो गिबि गेलेनायाव डबल डबल सेन्सुरि लानो हानाय डेबन कानवेखौ नैथि गेलेनायाव 23 रनाव उइकेट लानो हादोंमोन।

बिसायख थियाव जेन्नायनि उनाव डनाल्ड ट्राम्पनि गिबि बिबुंथि

वाशिंग्टन, 6 जून: आमेरिकानि बारा'हादोतगिरि डनाल्ड ट्राम्पआ इसाय होदोंदि बियो 2024 नि बिसायख थिखौ नेनानै दड'। साहा केर 'लि राज्योयाव ट्राम्पआ गावनि बिबुंथियाव बुडोदि रिपब्लिकान पार्टीया फिन खेबसेबाव 2024 माइथायनि बिसायख थियाव राइज्योयाव देरहागोन। साहा केर 'लिना रिपब्लिकान पार्टीनि 2021 नि कनभेसनआव ट्राम्पआ बुडोदि जों साहा केर 'लिनायाव देरहागोन, बेनि थाखाय 2024 माइथायखौ नेनानै दड'। जेराव एरेबायदि थासारि सोमजिहोगोन

जायजों साहा केर 'लिनायाव फिन खेबसेबाव रिपब्लिकान पार्टीया देरहासागोन। मख 'जाथावदि 2022 माइथायाव साहा केर 'लिनायाव सिनेटनि बिसायख थि जागोन। मख 'नो गोनांदि थानाय शुक्रबारखालि डनाल्ड ट्राम्पनि एकाउन्टखौ नै बोसोरनि थाखाय होबथाना दोनथ'नाय जायो। फरसैथि ट्राम्पनि टेलिकम जौसां 'फ्र'म डा डेस्क अफ डनाल्ड जे ट्राम्प' मुनि मोनसे बलगखौ बेखेवजेनायनि से दाननिबो खमसिन समाव बन्द' खालामनाय जाखांबाय। ट्राम्पनि सासे गागि मददगिरि जेसन मिलार आ

फोरमायोदि बे पेडखौ बोखारना होनाय जादोंमोन। बे पेजआ पैफिन्याय नंथिया। बेयो गावसिनि गुवारे नाजानायनि मोनसे हेफजाव गोनं पेजमेन आरो बे बिथिडाव जों खामानि मावगासिनो दड' होनानै बिथाड बुडो। आमेरिकानि खौरं बिज्जोनि मोनसे चेनेल चि एन एन नि रिपर्टनि बायदिब्ला जाय सुबुंफोरा बे पेजाव थानो नाजायो, बिफोरखौ मोनसे वेब फर्मजों बरायनाय जायो, जेराव इमेडल एवा टेक्सट खौरनि गेजेरजों आपडेट मोननो थाखाय बिन सोमोन्दो गोनं खौरंखौ बिनाय जायो।

मख 'जाथावदि ट्राम्पनि फेसबुक एकाउन्टखौ 4 दान सिगां आमेरिकानि हादतगिरि बिसायख थिनि फि थाइ फोसावनायनि उनाव जानाय हिंसायारि जाथायनि समावनो बे पेजखौ बोखारनाय जादोंमोन। उनाव ट्राम्पआ गावनि बिहामजो लारा ट्राम्पनि फेसबुक पेजनि गेजेरजों फिन सांघां जानो नाजादोंमोन आरो गावनि इन्टरभिउखौ पट खालामदोंमोन। नाथाय फेसबुकआ बिन कन्टेन्टखौ ब्लक खालामना होदोंमोन।